

四庫全書

史部

欽定四庫全書

史部

御批資治通鑑綱目卷五十四

詳校官修撰臣錢榮

編修臣程嘉謨覆勘

總校官降調編修臣倉聖脉

校對官檢討臣郭寅

謄錄監生臣陳熙

欽定四庫全書

御批資治通鑑綱目卷五十四

起丁卯考異提要起丁卯下有唐哀帝天祐四年盡
盡已卯考異已卯下有晉王李存勗稱唐天祐十六

年梁貞明五年凡十三年

丁卯四年

四月以後梁太祖皇帝朱晃開平元年西川稱
唐天復七年○是歲唐亡梁晉岐淮南西川凡

五國吳越湖南荆南
福建嶺南凡五鎮

春正月淮南牙將張顥徐溫作亂

楊渥既得江西驕侈益甚以故怨殺判官周隱將佐
皆不自安渥居喪酣飲作樂燃十圍之燭以擊毬或
單騎出遊從者不知所之左右牙指揮使張顥徐溫
泣諫渥怒顥溫潛謀作亂一日帥牙兵二百露刃直

入庭中渥曰爾果欲殺我邪對曰非敢然也欲誅王左右亂政者爾因數渥所親信十餘人之罪曳下擊殺之謂之兵諫諸將不與之同者稍以質實淮南軍法誅之於是軍政悉歸二人渥不能制質實淮南軍名注見漢武帝元朔五年楊渥廬州人行密之子江西道名注見梁孝元帝承聖二年徐溫海州朐山人

書法

書曰作亂而後亂臣不得以趙鞅藉口矣

發明

楊渥驕侈不道張顥徐溫泣諫不從遂至帥兵誅其嬖倖然而綱目俱以作亂書之者臣子事君有隕無二亦所以為脇君者之戒也

三月唐遣使奉冊寶如梁考證

唐當作帝

梁王全忠自涪州還威望大沮恐中外離心欲速受禪過魏有疾羅紹威恐全忠襲之說曰今唐室衰微

全書一切舉
且目前殊
以久之計以
必唐之規模
並相去甚遠

天命已改而四方稱兵者皆以興復為名王宜早正
位號以絕人望全忠然之乃歸大梁帝遣御史大夫
薛貽矩至勞之貽矩請以臣禮見北而拜舞於庭還
言於帝曰元帥有受禪之意矣帝乃下詔禪位於梁
遣宰相張文蔚楊涉及薛貽矩蘇循張策趙光逢等
奉玉冊傳國寶帥百官備法駕詣大梁楊涉子直史
館疑式言於涉曰大人為唐宰相而國家至此不可
謂之無過況手持天子璽綬與人雖保富貴奈千載
何蓋辭之涉大駭曰汝滅吾
族神色為之不寧者數日
質實
注見漢成帝綏和二年魏郡大梁郡名注見
周顯王二十九年法駕注見漢高后八年

書法

天寶之末遣使奉冊寶如靈武書上皇此
其不書唐帝何罪唐臣也自溫謀篡唐之臣

子未有能沮之者今也自洛如梁不為近矣非有
王舜之逼而不遠授人無難色書曰如梁所以深

罪舉朝之臣子
也故止書唐

發明

自曹馬以來移國者多矣未有書遣使奉冊如梁之詳且悉者何也張文蔚楊涉薛貽矩

之徒為唐大臣手持璽綬勸進逆賊曾不知恥書法如此所以著唐臣之罪爾然則唐帝亦有責乎嘗是之時大權已去何責之有故止書曰唐而不曰唐帝則文蔚等賣國之罪不容於天地之間矣

夏四月盧龍節度使劉仁恭為其子守光所囚

仁恭驕侈貪暴以大安山四面懸絕築館其上極壯麗實以美女與方士煉藥其中悉殺境內錢瘞山巔令民間用堇泥為錢有愛妾羅氏其子守光通焉仁恭杖守光而斥之至是梁遣李思安擊之直抵城下仁恭在大安城幾不守守光自外引兵入登城拒守却之遂自稱節度使令部將李大喜攻大安虜仁恭

以歸囚於別室守質實盧龍節度注見漢武帝元朔二年肥如大安山一統志云

光弟守奇奔河東在順天府房山縣北八十二里上有大安館相傳五代時劉仁恭所建遺址尚存方士注見憲宗元和六年河東郡名注見漢獻帝建安七年

書法

為所囚何罪仁恭也未有父不失道而為子所囚者也綱目澄源正本故書罪之然則守

光無罪歟子而囚父罪固不待貶絕而自見矣故守文舉兵書討

發明

書仁恭為子所囚而不書守光囚其父者仁恭貪暴不臣之罪不可勝誅守光因其危而

乘之初非其子能囚之也仁恭自囚爾若守光悖逆之罪亦固在其中矣

梁王全忠更名晃稱皇帝奉唐帝為濟陰王考異

按凡例註

封其故君則曰廢而不考證全忠當作

朱全忠

張文蔚等至大梁梁王更名晃文蔚等乘輅奉冊寶至金祥殿王披袞冕即皇帝位文蔚等升殿讀冊寶已降帥百官舞蹈稱賀梁主與之宴舉酒勞之曰此皆諸公推戴之力也文蔚等皆慙伏不能對獨蘇循薛貽矩盛稱功德宜應天順人梁主復與宗戚飲博宮中其兄全昱謂曰朱三汝本碭山一民也從黃巢為盜天子用汝為四鎮節度使富貴極矣奈何一旦滅唐家三百年社稷他日得無滅吾族乎梁主不懌而罷奉唐帝為濟陰王遷於集覽碭山注見秦二世曹州梅之以棘使甲士守之元年芒碭山中梅之以棘廣韻注梅園也左傳哀八年囚諸樓質實臺梅之以棘注梅雍也梅在薦反雍於勇反質實注見漢平帝元始五年社稷注見新莽天鳳元年濟陰郡名注見漢光武建武八年曹州注同上年濟陰

書法

綱目自魏晉以下書稱皇帝廢帝為某公為某王恒辭也此其不書廢何罪唐臣也唐則

奉冊寶如梁矣唐自廢其主也梁何與焉畧全忠所以深罪唐臣也然則予梁乎書稱皇帝如魏晉

則固以篡目之矣終綱目廢主書奉二惟徐知誥無譏焉

發明

賊溫無道大非前代之比然書法甚恕畧不見其篡奪之跡此皆專罪唐人挈國與賊之

意然則張文蔚等可勝誅哉

梁以汴州為東都開封府洛陽為西都長安為大安府

佑國軍質實

汴州注見周顯王二十九年大梁洛陽縣名注同上三年長安縣名注見漢惠帝五

年佑國軍注見玄宗○梁以馬殷為楚王○梁以敬翔

開元十一年京兆

知崇政院事

梁以宣武掌書記太府卿敬翔知崇政院事以備顧問參謀議于禁中承上旨宣于宰相而行之宰相非時奏請皆因以聞後廢樞密院以其職事歸之翔為人沉深有智畧在幕府三十餘年盡心勤勞晝夜不寐自言惟馬上乃得休息梁主性暴戾難近人莫能測惟翔能識其意有所不可未嘗顯言但微示持疑梁主已悟禪代質實宣武軍名注見周顯王二十九年大梁禁中注見宋孝武帝大明六年幕府注見秦王政三年

梁以朱友文判建昌院事

初梁主為四鎮節度使凡倉庫之籍置建昌院以領之至是以養子友文判院事掌凡國之金穀友文本

康氏
子也

淮南西川移檄興復唐室

時惟河東鳳翔淮南稱天祐西川稱天復年號餘皆
稟梁正朔蜀王建興楊渥移檄諸道云欲興岐王晉
王會兵興復唐室卒無應者建乃謀稱帝遺晉王書
云請各帝一方晉王復書不許曰誓于此生靡散失
節質實鳳翔府名注見周顯王八年岐移檄檄注見
楚義帝元年西川道名注見晉武帝泰始八
年益州正朔注見漢
獻帝建安十五年

書法

興復不多書維劉續嘗書之於是再見然則
予二國乎朱氏篡唐天下皆梁臣矣而淮南

西川猶仍唐歷首倡興復固不得不一予之子二
國所以罪天下也及其倡而不和二國亦復弛然

西川反欲自帝而淮南則區區以爭彈
丸之地其無意唐室明矣于是終貶之

發明

唐有天下垂三百年是時征鎮散在四方者
莫不俛首事賊獨淮南西川猶能以興復為

詞故綱目亦書而予之且以著人心正理未盡
泯滅之意云爾夫豈果以興復之事望之哉

岐王李茂貞開府

茂貞治軍寬簡無紀律兵羸地蹙不敢稱帝
但開岐王府置百官宮殿號令皆擬帝者
質實

岐國

名注見周
顯王八年

契丹遣使如梁

初契丹有八部部各有大人推一人為王建旗鼓以
號令諸部三年一代以次為之及耶律安巴堅為王

尤雄勇奚及室韋達旦咸後屬之安巴堅恃其疆不肯受代七部劫之安巴堅不得已傳旗鼓請帥種落居古漠城別自為一部漠城地宜五穀有鹽池之利後稍以兵擊滅七部北侵室韋女真西取突厥故地東北諸夷皆畏服之是歲帥衆三十萬寇雲州晉王與之連和約為兄弟延之帳中縱酒盡歡約共擊梁或勸晉王擒之王曰讎敵未滅而失信夷狄自亡之道也留之旬日厚贈遺之安巴堅既歸而背盟更附于梁晉王集覽耶律安巴堅契丹主姓耶律名安巴由是恨之堅五代史四夷附錄曰安巴堅本以所居橫帳地名為姓曰錫里譯者謂之耶律也耶律餘遮反古漠城通鑑釋文曰故後魏滑鹽縣也質

實

契丹東胡種名注見晉安帝義熙二年奚東胡種名注見陳宣帝太建十三年室韋契丹別種注見

隋恭帝義寧二年達旦北狄種名注見梁武帝大同十一年突厥女真東胡種名注見晉成帝咸康六年挹

婁突厥北狄種名注見梁武帝大同十一年雲州注見秦王政三年雲中

梁以錢鏐為吳越王

鎮海節度判官羅隱說鏐舉兵討梁曰縱無成功猶可退保杭越自為東帝奈何交臂事賊為終古之羞乎鏐始以隱為不遇于唐必有怨之實實鎮海節度注心及聞其言雖不能用心甚義之質實見憲宗元和二年杭州羅隱杭州新城人杭越二州名杭注見憲宗元和二年越注見漢和帝永元元年會稽

梁以高季昌為荆南節度使

依政進士梁震唐末登第歸蜀過江陵高季昌愛其才識留之欲奏為判官震耻之欲去恐及禍乃曰震素不慕榮宦明公不以為愚必欲使參謀議但以白衣侍樽俎可也季昌許之震終身止稱前進士不受

高氏辟署季昌甚重之
以為謀主呼曰先輩
集覽 依政邛州依政
縣在成都路
質實依

一統志云西魏縣名屬邛州隋屬雅州唐為邛州治
所宋金因之元省入邛縣故城在嘉定州邛縣東南
五十五里進士注見玄宗開元十七年梁震邛州依
政人江陵郡名注見漢獻帝建安十三年南郡高季
昌陝州人荆南節度注見
漢獻帝建安十三年南郡

梁主封其兄全昱為廣王

全昱不樂在京師常居碭山故里二子皆封王胡氏
曰人而盜竊四心盡亡猶知畏人則有不可亡者但
不能充其類而已朱溫為盜二十年卒竊唐室全昱
初無諫止預其利也及見溫披袞稱帝則惕然驚駭
發于言色所謂不亡之良心也全昱于此誠能審度
大小修短之數無寧堅守所志歸耕碭山則溫之族

固滅而朱之宗必全矣見其不可而不勝其利欲蓄
疑行險既居王爵又封二子于是舉家為賊而參夷
之罪勢必相及雖集覽四心盡亡盡亡謂俱亡也益
居礪山安能免乎

羞惡之心非人也無辭讓之心非人也無是非之心
非人也注言無此四者當若禽獸非人心也為人則
有之矣凡人但不能演用為仁爾充其類注見玄質
宗開元二年參夷之罪夷滅三族也參音倉含反質

寶

廣州名注見秦始皇三十三年南
海京師注見周顯王二十五年

梁禮部尚書蘇循等致仕

循及其子楷自謂有功于梁朝夕望為相梁主薄其
為人敬翔李振亦鄙之言于梁主曰蘇循唐之鴟梟
賣國求利不可以立于維新之朝詔循等十五人並
勒致仕楷斥歸田里循父子乃之河中依朱友謙胡

氏曰人莫難于自見蘇循求相與梁之篡國何質實
異朱溫敬翔舍己鴟梟而謂人鴟梟循肯服邪
鴟梟惡聲之鳥名梟與鴟同致仕注見憲宗元
和九年河中府名注見周報王十二年蒲阪

書法

勒致仕也其書之何書所以為賣國求利者
之戒也書之則何以為戒循等賣國志求相

位而官稱止此書曰梁禮部尚書蘇循等致仕以
見率無其利而徒為是鴟梟也然則曷為不書詔
梁有嫌也梁人知賣國之不忠而不
知篡國之為大惡書詔是予梁矣

發明循故唐臣也而以梁書何哉賣國求利甘臣
逆賊是固逆賊之臣也以梁書之其罪自見
而不免勒令致仕者則亦使後之臣子安于義命
毋非覲以微利爾然則鴟梟小人徒負不義之名
者果何益
之有哉

六月淮南遣兵擊楚楚大破之遂取岳州

楊渥遣其將劉存許玄應將水軍擊楚楚王殷懼軍使楊定真賀曰我軍勝矣殷問其故定真曰夫戰懼則勝驕則敗今淮南兵驕而王有懼色吾是以知其必勝也殷命指揮使秦彥輝黃璠帥戰艦擊之存等遇雨引兵還彥輝追之存數戰不利遣殷書詐降彥輝使謂殷曰此必詐也勿受鼓譟而進存等走黃璠引兵合擊大破之執存拔岳州玄應渥之腹心也張顥徐溫因其敗收斬之

質實

鼓譟注見宋文

帝元嘉二十六年岳州注同上三年巴陵

梁侵晉圍潞州晉遣周德威等救之

梁遣康懷貞攻潞州晉李嗣昭閉城拒守懷貞晝夜攻之半月不克乃築壘穿蚰蜒塹而守之內外斷絕

晉王以周德威為行質實潞州注見周報王五十三
營都指揮使救之質實年上黨岫巒塹未詳處所

姑俟知者周
德威馬邑人

秋七月梁以劉守光為盧龍節度使

八月晉敗梁兵於潞州梁築夾寨守之

晉周德威壁于高河康懷貞遣親騎擊之不克梁主
遣李思安代之將兵西上至潞州城下更築重城內
以防奔突外以拒援兵謂之夾寨調山東民饋軍糧
德威日以輕騎抄之思安乃自東南山口築甬道屬
于夾寨德威與諸將互往攻之一晝所質實山東道名
夜數十發梁兵疲于奔命閉壁不出所質實注見宋文

帝元嘉二十五年甬
道注見漢王邦二年

九月蜀王王建稱帝

蜀王建議稱帝將佐皆以為然馮涓獨獻議請以蜀王稱制曰朝興則未爽稱臣賊在則不同為惡不從涓杜門不出建用副使掌書記韋莊之謀即帝位以王宗信韋莊為宰相唐道襲為內樞密使是時唐衣冠之族多避亂在蜀蜀主禮而用之使所質實朝興則修舉故事故其典章文物有唐之遺風所質實朝興則臣爽失也言唐朝若能中興我固不失臣節也

發明

前書淮南西川移檄興復唐室其名甚正然繼書淮南擊楚而不間有討賊之舉又書王

建稱帝而不聞有興復之謀則吳蜀竊義之名曉然自見特比之甘心臣賊者差勝爾要未得為義也舉

十一月義昌節度使劉守文舉兵討其弟守光考異十

上漏

冬字

守文聞其弟守光幽其父集將吏大哭曰不意吾家
生此梟獍吾生不如死誓與諸將討之乃發兵擊守
光互有勝負守文恐梁集覽梟獍注見晉元質實義
乘虛襲其後遣使請降帝太始元年

節度注見晉穆帝
永和六年滄州

梁赦軍士逃亡為盜者

初梁主在藩鎮用法嚴將校有戰沒者所部兵悉斬
之謂之跋隊斬士卒多亡乃命軍士皆文其面以記
軍號逃輒執之無不死者由是亡者皆聚山澤為盜
至是赦其罪聽還鄉里盜減什七八胡氏曰文面始

于有苗至劉仁恭朱全忠而加甚籍民為兵無罪而黥之使終身不能去非至不仁者莫忍為也其可以為故常而

集覽

文面始于有苗書伊訓篇臣下不匡其刑墨孔氏曰鑿其額涅以墨也呂刑

篇苗民爰始淫為劓刵桼黥孔氏曰三苗之主頑凶苦民始大為截人耳鼻桼陰黥面胡致堂曰然則文而之法起于有苗也涅其額者五刑之正黥其面者乃五虐之法也顙受墨涅若膚疾然雖刑而不害以字文而則顙實宗上元二年

棄人矣

顙實

宗上元二年

戊辰晉岐淮南稱唐天祐五年梁開平二年○蜀高祖考

王建武成元年○

是歲西川稱蜀凡五國五鎮

異按歲年例曰建國號國之大者朱注國名謚號姓名

年號小者朱注國名此年以後梁後唐晉漢周為大

國國名謚號姓名年號當白字岐淮南西川蜀北春正漢南唐楚閩吳吳越荆南諸小國名亦當用白字

月晉王李克用卒子存勗立考異

立當作嗣

考證

當去李姓立當作嗣

晉王病篤周德威等退屯亂柳晉王命其弟克寧監軍張承業大將李存璋吳珙掌書記盧質立其子晉州刺史存勗為嗣曰此子志氣遠大必能成吾事爾曹善教導之謂存勗曰嗣昭厄于重圍吾不及見矣俟葬畢汝與德威輩速竭力救之又謂克寧等曰以亞子累汝亞子存勗小名也言終而卒克寧久總兵柄有次立之勢軍中多竊議者存勗懼以位讓之克寧曰汝冢嗣也且有先王之命誰敢違之將吏欲謁見存勗存勗方哀哭久未出張承業入曰大孝在不墜基業多哭何為因扶存勗出髀位為河東節度使晉王克寧首帥諸將拜賀賀王恚以軍府事委之質質亂柳或疑地名未詳處安七年河東河東節度注同上年河東

二月蜀以張格同平章事

蜀主登樓有僧扶一目以獻蜀主命飯僧萬人以報之翰林學士張格曰小人無故自殘赦其罪已幸矣不宜復崇獎以敗風俗蜀主乃止至是為相多迎合主意有勝己者必以計排去之

晉兵馬使李克寧謀作亂晉王殺之

初晉王克用多養軍中壯士為子寵遇如真子及存勗立諸假子皆年長握兵心怏怏不服存勗陰說克寧曰兄終弟及自古有之以叔拜姪于理安乎克寧曰吾家世以慈孝聞天下先王之業苟有所歸吾復何求汝勿妄言我且斬汝克寧妻孟氏素剛悍諸假子各遣其妻入說之使迫克寧克寧心動存勗等謀奉克寧為節度使舉河東附梁執晉王及太夫人曹氏送大梁帳下親信史敬鎔知之以告太夫人大駭

召張承業指晉王謂之曰先王把此兒臂授公等如
開外間謀欲負之但置吾母子有地勿送大梁自他
不以累公承業惶恐曰老奴以死奉先王之命此何
言也晉王以克寧之謀告且曰至親不可自相魚肉
吾苟避位則亂不作也承業乃召李存璋等陰為之
備置酒府舍伏甲執克寧存顯于座晉王流涕數之
曰兒曷以軍府讓叔父叔父不取今事已定奈
何復為此謀忍以吾母子遺仇讐乎遂殺之
快快注見漢光武二年大梁
郡名注見周顯王二十九年

書法

書謀亂矣不書討殺何克寧叔也亦既執
之待以不死而誅其黨可也殺之過矣

發明

言殺不言誅者存叔姪之分也而
曰謀作亂則克寧之罪自著矣

梁主晃弑濟陰王

追謚曰唐
哀皇帝

夏五月晉王攻梁夾寨破之潞州圍解

李思安等攻潞州久不下亡將校四十餘人
士卒以萬計梁主疑晉王克用詐死欲召兵還恐晉人躡之
乃議自至澤州應接歸師乃召匡國節度使劉知俊
為招討使削思安官爵斬監押楊敏貞晉李嗣昭固
守踰年城中資用將竭梁主數遣使諭降之嗣昭焚
詔書斬使者梁主欲召兵還諸將以為李克用死晉
兵且退上黨孤城無援請更留旬月以俟之梁主從
之初晉周德威握重兵在外國人疑之晉王召德威
還四月德威至晉陽留兵城外徒步而入伏哭極哀
退謁嗣王甚恭衆心由是釋然梁夾寨奏晉兵已去
梁主以為援兵不能復來還大梁夾寨亦不復設備
晉王與諸將謀曰上黨河東之藩蔽無上黨是無河

東也且朱溫所憚者獨先王爾聞吾新立以為童子
未聞軍旅必有驕怠之心若簡精兵倍道趣之出其
不意破之必矣取威定霸在此一舉不可失也張承
業亦勸之行乃大閱士卒以丁會為都招討使帥周
德威等發晉陽五月朔晉王伏兵三垂岡下詰旦大
霧進兵直抵夾寨梁軍無斥候將士尚未起晉王命
周德威李嗣源分兵為二道填坑燒寨鼓譟而入梁
兵大潰南走招討使符道昭馬倒被殺失亡將士萬
計委棄資械山積德威至城下呼嗣昭曰先王已薨
今王自來破賊賊已去矣可開門嗣昭不信曰此必
為賊所得來誑我爾王自往呼之嗣昭見王白服大
慟幾絕城中皆哭遂開門初德威與嗣昭有隙晉王
克用臨終謂存勗曰進通忠孝吾愛之深今不出重
圍豈德威不忘舊怨邪汝為吾以此意諭之若潞圍
不解吾死不瞑目進通嗣昭小名也存勗以告德威
德威感泣由是戰甚力既相見歡好如初梁主聞夾

寨不守大驚既而歎曰生子當如李亞子克用為不
亡矣至如吾兒豚犬爾胡氏曰喪不二事故春秋于
背喪而即戎者皆深譏之惟其門庭之寇存亡繫焉
然後從權制而無避此費誓所以得列于典謨命誥
之後也若李存勗夾寨之戰君子深有取者與是類
爾梁置夾寨距晉陽不百里可謂危急之勢矣使存
勗于是焉執哀戚之常情忽國家之大計上黨淪陷
則晉陽不存又豈所以為孝是以審緩急量輕重出
奇制勝以走梁師然後霸基

集覽

費誓所以得列于典謨命誥之後記

曾子問篇三年之喪卒哭金革之事無辟也者非與
孔子曰昔者魯公伯禽有為為之也魯有徐夷為寇
魯公帶經征之于費地誓衆故以費誓名篇孔子
序書以魯有治戎征討之備故以繫帝王書之後

所實

實

澤州注見梁武帝中大通六年建州建國節度注
見唐玄宗開元十一年同州上黨郡名注見周報

王五十三年晉陽縣名注見周威烈王二十三年軍
旅注見梁武帝中大通二年三垂岡莫詳處所惟潞
州潞城縣西二十里有三垂山或疑即此未知是否
詰以注見梁武帝大同二年斥候注見漢武帝元封
元年

晉師攻梁澤州不克

周德威乘勝進趣澤州梁統軍牛存節將兵應接潰
兵至天井關謂其衆曰澤州要害地不可失也雖無
詔旨當救之衆皆不欲曰晉人勝氣方銳且衆寡不
敵存節曰見危不救非義也畏敵疆而避之非勇也
遂舉策引衆而前至澤州城中人已欲應晉存節至
乃定晉兵尋至攻之存節晝夜拒戰凡旬有三日劉
知俊引兵救之所實要害注見漢文帝十一年天井
德威退保高平關注見唐武宗會昌三年高平

縣名注見周赧王五十二年長平

晉王歸晉陽

晉王歸晉陽休兵行賞命州縣舉賢才黜貪殘寬租賦撫孤窮伸冤濫禁姦盜境內大治訓練士卒令騎兵不見敵無得乘馬部分已定無得相踰越及留絕以避險分道並進期會無得差畧刻犯者必斬初唐昭宗許晉王克用承制封拜時方鎮多行墨制王耻與之同每除吏必表聞至是存勗始承制除吏兄事張承業升堂拜母賜遺甚厚潞州圍守歷年士民死者大半嗣昭勸課農桑寬租緩刑數年之間軍城完復

淮南張顥徐溫弑其節度使楊渥溫復攻顥殺之

張顥徐溫專制軍政弘農威王心不能平欲去之而未能二人不自安共謀弑王分其地以臣于梁顥遣其黨弑王集將吏于府庭列白刃厲聲問曰嗣王暴薨軍府誰當主之三問莫應氣色益怒幕僚羅可求前密啟曰軍府至大四境多虞非公主之不可然今日則恐太速顥曰何也可求曰劉威陶雅皆先王之等夷必不肯為公下不若立幼主輔之諸將孰敢不從顥默然可求因屏左右急書一紙置袖中麾同列詣使宅賀衆莫測其所為既至可求跪讀之乃太夫人史氏教也大要言先王創業艱難嗣王不幸早世隆演次當立諸將宜無負楊氏善輔導之辭旨明切顥氣色皆沮以其義正不敢奪遂奉王弟隆演稱留後既罷副都統朱瑾詣可求曰瑾年十六七即橫戈躍馬街犯大敵未嘗畏懼今日對顥不覺流汗公面折之如無人乃知瑾匹夫之勇不及公遠矣因以兄事之顥以徐溫鎮潤州可求說溫曰公捨牙兵而出

顯必以弑君之罪歸公溫驚曰奈何可求曰顯劉愷而暗于事請為公圖之乃往見顯曰公出徐公于外人皆言公欲奪其兵權而殺之多言亦可畏也顯曰右牙欲之非吾意也業已行矣奈何可求曰止之易耳明日可求邀顯詣溫可求瞋目責溫曰古人不忘一飯之恩況公楊氏宿將今幼嗣初立多事之時乃求自安于外可乎溫謝曰苟諸公見容溫何敢自專由是不行顯知可求陰附溫夜遣盜刺之可求知不免請為書辭府主盜執刀臨之可求操筆無懼色盜見其辭旨忠壯曰公長者吾不忍殺掠其財以復命溫與可求謀密結將軍鍾泰章等壯士三十人斬顯于牙堂暴其弑君之罪初顯與溫謀弑威王溫曰參用左右牙兵心必不一不若獨用吾兵顯不可溫曰然則獨用公兵顯從之至是窮治逆黨皆左右牙兵也由是人以溫為實不知謀隆演以溫為左右牙都指揮使軍府事咸取決焉以可求為揚州司馬溫性沉

殺自奉簡儉雖不知書使人讀獄訟之辭而決之皆中情理立法度禁強暴政舉大綱軍民安之溫以軍旅委可求以財賦委支所實實弘農威王楊行密卒子計官駱知章皆稱其職

陶雅合肥人潤州注見晉成帝咸和三年京口業已行矣注見楚義帝元年揚州注見漢武帝元朔五年

淮南

書法

節度為下所殺多矣未有書弒者此其書弒何唐亡也上無天子節鎮專地為之屬者皆

其臣矣書弒所以正君臣之分也然則溫能殺顯何以不書討溫既與弒則賊殺賊而已矣安得以

討予之自是終綱目節度書弒二趙王鎔楊渥

發明節度使未有書弒而此書之者顯溫固渥之臣也顯有弒逆之罪而溫殺之不得為討者

已亦預弑之人爾明年書溫自領昇州刺史則溫篡奪之跡始彰彰乎不可掩此則書法之意也

蜀岐晉會兵攻梁雍州梁遣忠武節度使劉知俊拒却

之質寶

雍州注見唐玄宗開元十一年京兆忠武節度注同上年同州

書法

西川嘗書移檄興復矣于是不書討書攻何夷蜀于梁也冒為夷之蜀稱帝號則不足以

言討矣故與岐晉皆書攻

○六月梁殺其金吾將軍王師範夷其族

朱友寧妻泣訴于梁主曰陛下化家為國宗族皆蒙榮寵妾夫獨不幸因王師範叛死于戰場今仇讐猶在妾誠痛之梁主曰朕幾忘此賊遣使族之師範盛陳宴具與宗族列坐謂使者曰予不欲使積屍長幼

無序酒既行命自幼及長以次就死凡二百人

秋七月楚收茶稅

湖南判官高郁請聽民自采茶賣于北客收其征以贍軍楚王殷從之請于梁置回圖務運茶于河南北賣之以易繒纈戰質實湖南道名注見宋馬而歸由是富贍質實文帝元嘉十六年

書法

自德宗書初稅茶至文宗而增重其法茶之為民害也多矣王涯既敗始詔罷焉于是楚復收之害未有已也故謹書之

淮南將吏推楊隆演為節度使

淮南將吏請于李儼承制授隆演淮南節度使弘農王

質實

淮南郡名注見漢武帝元朔五年淮

南節度注
同上文

九月淮南遣兵攻吳越圍蘇州

淮南遣指揮使周本擊吳越圍蘇州吳越攻拔東洲
淮南遣柴再用復取之再用方戰舟壞僅而得濟家
人為之飯僧千人再用悲取其食質實周本宿松人
以犒部兵曰士卒濟我僧何力焉質實瑜之後蘇州
注見漢獻帝建興三年東洲一統志云鎮名本漢海
陵縣東境地五代置海門縣屬通州以僻在海隅之
處因名宋元仍舊國
朝因之改屬揚州府

冬十月華原賊帥溫韜發唐諸陵質實

華原一統志云
漢之縣名隋為

宜君郡治所唐屬耀州元省之故城在西安府城北一
百八十里耀州境內唐諸陵注見唐懿宗咸通四年

書法

盜發必書重山陵也終綱目書盜發山陵七詳楚義帝元年

○十一月晉遣兵擊劉守文敗之

劉守文攻幽州劉守光求救于晉晉王遣兵五千助之守文敗還胡氏曰朱溫助守光以子囚其父悖天理甚矣然溫弑君篡國之人也又何責焉晉王兵以義動當討守光助守文一舉而父子兄弟之道皆得令乃救守光抑守文人之稱斯師也質實幽州注見謂之何哉其異于朱溫所為幾希矣質實唐高祖武德四年

書法

梁擊趙以救燕書救癸酉年罪梁也于是守光求救晉遣兵助之不書救何為晉諱也當

是時唯晉大國而稱唐正朔故綱目于晉多予辭不書救不以守光之黨累晉也然守文舉兵書討

而晉擊之直書其事意亦不隱矣

已晉岐淮南稱唐天祐六年梁開春正月梁遷都洛陽

已平三年○是歲凡五國五鎮

質實

洛陽縣名注見周顯王三年

○二月朔日食質實

日食注見新莽天鳳元年

○梁攻岐取丹延鄜坊四州質實

丹延鄜坊四州按一統志丹本後周丹陽

縣地唐改為丹州元省之故城在延安府宜川縣東北二十九里延註見梁武帝普通六年統萬鄜坊注見漢獻帝建安十七年坊注見唐肅宗上元元年淮南徐溫自領昇州刺史

徐溫以金陵形勢戰艦所聚乃自以淮南行軍副使領昇州刺史留廣陵以其假子元從指揮使知誥為

昇州防遏魚樓船副使往治之集覽

元從注見唐肅宗至德二載

質實

金陵郡名注見漢獻

帝興平二年昇州注同上文
廣陵縣名注同上元年江都

夏四月梁以王審知為閩王

審知儉約常躡麻屨府舍卑陋未嘗質實
閩國名注
營葺寬刑薄賦公私富實境內以安
質實見漢武帝

建元三年閩中

吳越擊淮南兵破之

淮南兵圍蘇州推洞屋攻城吳越將孫瑛置輪于竿
首垂絙投錐以揭之攻者盡露礮至張網以拒之吳
越王鏐遣指揮使錢鏐等救之蘇州有水通城中淮
南軍張網綴鈴縣水中魚鼈過皆知之吳越虞候司
馬福欲潛行入城故以竿觸網敵聞鈴聲舉網福因
得過入城由是城中號令與援兵相應敵以為神鏐

嘗遊府園見園卒陸仁章樹藝有智而志之至是使仁章通信入城果得報而返吳越兵内外合擊淮南兵大破之擒其將三十餘人周本夜遁

集覽

洞屋俗呼驚車洞其形如屋隱兵卒于中推之使前

城以攻

五月梁殺其佑國節度使王重師夷其族

王重師鎮長安數年梁主怒其貢賦不時以劉質實捍為留後捍諧之云與邠岐通賜自盡夷其族

邠岐謂王行瑜李茂貞

劉守光執其兄守文進攻滄州

劉守文以重賂招契丹吐谷渾之衆合四萬屯薊州守光逆戰為所敗守文單馬立于陣前泣謂其衆曰

勿殺吾弟守光將元行欽識之直前擒之滄德兵皆潰守光囚之別室乘勝進攻滄州滄州判官呂究孫鶴推守光子延祚質實吐谷渾西羌種名注見晉元為帥乘城拒守帝建武元年薊州注見秦王政三年漁陽滄德二州名滄注見晉穆帝永和六年德注見陳宣帝太建八年安德

六月梁劉知俊叛奔岐

知俊功名浸盛以梁主猜忌日甚內不自安及王重師誅益懼梁主急徵知俊欲以為河東行營都統知俊弟知浣密使人語知俊云入必死知俊遂以同州附于岐遣兵襲華州守潼關遣人以重利啗長安諸將執劉捍送于岐殺之梁主遣近臣諭知俊曰朕待卿甚厚何忽相負對曰臣不背德但畏族耳詔削知俊官爵遣楊師厚劉鄩等討之鄩至關東獲知俊伏路兵使為前導關吏納之鄩兵直進遂克潼關知俊

舉族奔岐岐兵據長安城師厚以奇質實同州注見

兵克之岐王厚禮知俊以為中書令質實唐玄宗開

元十一年華州注同上年潼關注見漢獻帝建安十

六年長安縣名注見漢惠帝五年楊師厚潁州斤溝

淮南盡取江西地

秋七月梁以劉守先為燕王質實

燕國名注見唐高祖武德四年幽州

撫州刺史危全諷帥撫信素吉之兵攻洪州淮南守

兵絕千人節度使劉威密遣使告急于廣陵日召僚

佐宴飲全諷聞之屯象牙潭不敢進楚王殷遣指揮

使范玖圍高安以助全諷徐溫問將于嚴可求可求

薦周本乃以本將兵七千救高安本以前攻蘇州無

功稱疾不出可求即其卧内彊起之本曰蘇州之役

敵不能勝我但主將權輕爾今必見用願無置副貳乃可求許之本曰楚人為全諷聲援爾非欲取高安也吾敗全諷援兵必還乃疾趨象牙潭或曰全諷兵強君宜觀形勢本曰賊衆十倍于我我軍聞之必懼不若乘其銳而用之全諷營柵臨溪亘數十里本隔溪布陣先使羸兵嘗敵全諷兵涉溪追之本乘其半濟縱兵擊之全諷兵大潰本分兵斷其歸路擒全諷乘勝克袁州欽州刺史陶雅遣兵罷饒信饒州刺史唐寶棄城走米志誠敗苑玟于上高吉州刺史彭玕帥衆奔楚信州刺史危仔倡奔吳越吳越以為淮南節度副使更其姓曰元氏虔州刺史盧光稠以州附于淮南于是江西之地盡入于楊氏

質實

危全諷南城人撫信袁吉四州名撫注見晉安帝隆安二年臨川信注見唐僖宗乾符五年袁注見唐高宗儀鳳元年吉注見晉安帝元興元年洪州注見漢武帝元鼎五年豫章象牙潭一統志云在南昌府城南

八十里晉鍾離真君故宅在其上高安古地名漢為建城縣東漢時以上蔡民分徙于此析置上蔡縣孫吳又析置陽樂宜豐二縣晉改上蔡曰望蔡陽樂曰康樂隋廢三縣入建城屬洪州唐改曰高安縣為靖州治所後屬洪州宋瑞州治此元仍舊國朝因之為瑞州府治所仍屬焉欽州注見漢獻帝建安十三年新都饒州注見梁武帝太清元年鄱陽上高本漢豫章郡建城縣地名晉為望蔡縣隋省入建城唐以故望蔡縣地置上高鎮南唐易鎮為場尋陞為上高縣宋元俱仍舊國朝因之屬瑞州府危仔倡南城人全諷之弟虔州注見梁簡文帝大寶元年南康盧光稠上猶人江西道名注見梁孝元帝承聖二年

冬十月蜀行永昌歷

林天監胡秀所獻也

十一月岐遣劉知俊攻梁靈州梁遣兵救之大敗而還

岐王欲取靈州以處劉知俊使自將兵攻之朔方節度使韓遜遣使告急于梁梁主遣康懷貞寇彥卿將

兵攻邠寧以救之克寧衍二州拔慶州南城遊兵及涇州之境知俊聞之解圍引還梁主急召懷貞等還

知俊據險邀之左龍驤軍使王彥章力戰懷貞等乃得過至昇平知俊伏兵山口懷貞大敗僅以身免岐

王以知俊為彰義節度使鎮涇州彥章驍勇絕倫每戰用二鐵鎗皆重百斤一置鞍中一在手所向無前

時人謂之質實靈州注見唐太宗貞觀二十年朔方王鐵鎗郡名注見漢武帝元朔元年邠寧軍

名注見唐肅宗上元元年寧衍二州寧州注同上年衍州未詳沿革姑缺之涇州注見漢光武建武元年

安定慶州注見周顯王四十一年義渠王彥章壽張人昇平縣名注見唐順宗永貞元年彰義節度注見

唐憲宗元和四年

蜀蜀州刺史王宗弁罷質實

蜀州注見宋文帝元嘉九年崇慶

宗弁稱疾罷歸杜門不出蜀主疑其怨望加檢校太保不受謂人曰庶者足而不憂貪者憂而不足吾小

人致位至此凡矣豈可求進不已乎蜀主嘉其志而許之

書法

刺史未有書罷者書宗弁何美知止也五季之世若宗弁者不多見矣故特書之

庚晉岐吳稱唐天祐七年梁開平四年春正月劉守光克

午年○是歲淮南稱吳凡五國五鎮

滄州殺其兄守文

滄州城中食盡呂兗選男女羸弱者烹之以給軍食正月劉延祚力盡出降守光使大將張萬進周知裕

輔其子繼威鎮滄州族呂充而釋孫鶴充子琦年十五門下客趙玉給監刑者曰此吾弟也勿妄殺遂挈以逃琦足痛不能行玉負之變姓名乞食于路僅而得免琦感家門殄滅力學自立晉王聞其名署代州判官守光使人殺守文質實代州注見秦王歸罪于殺者而誅之

二月岐王承制加楊隆演嗣吳王質實

岐州名注見周顯王八年吳國

名注見漢武帝元朔五年淮南

書法

岐王承制爾何以書予隆演也唐室亡矣隆演渥弟也次立無譏矣故綱目自是從稱吳

王是故苟義當嗣隆演雖承制書吳王義不當嗣守光雖梁命止書守光雖自帝止書守光

○夏四月梁夏州亂殺節度使李彝昌以其族父仁福

代之質實

夏州注見漢武帝元朔元年朔方

○梁宋州獻瑞麥

梁宋州節度使衛王友諒獻瑞麥一莖三穗梁主曰豐年為上瑞今宋州大水安用此為詔除本縣令名遣使詰責友諒以質實宋州注見漢後主延熙十八年

梁貶寇彥卿為遊擊將軍

梁左金吾大將軍寇彥卿入朝有民不避道投諸欄外而死彥卿自首梁主以彥卿有功命以私財遺死者家以贖罪御史司憲崔沂劾奏請論如法梁主命彥卿分析彥卿對令從者舉置欄外不意誤死梁主欲以過失論沂奏在法以勢力使令為首下手為從不得歸罪從者不聞而故毆傷人加傷罪一等不得為過失乃責授彥卿遊擊將軍彥卿揚言有得崔沂首者賞萬緡梁主使人謂彥卿曰崔沂有毫髮傷吾

當族汝時功臣集覽欄外天井橋
驕橫由是稍肅上欄干外

五月梁天雄節度使羅紹威率以其子周翰代之質實

天雄節度注見漢成
帝綏和二年魏郡
○六月梁匡國軍節度使馮行襲

卒質實

匡國節度注見唐玄
宗開元十一年同州

行襲疾篤請代許州牙兵皆秦宗權餘黨梁主深以
為憂命崇政院直學士李璉馳往視行襲璉至謂將
吏曰天子握百萬兵去此數舍爾馮公忠純勿使上
有所疑汝曹赤心奉國何憂不富貴由是衆莫敢異
議行襲欲使人代受詔璉曰東首加朝服禮也乃即
卧內宣詔謂行襲曰公勿視事子孫之福也行襲泣
謝遂解印授璉使代掌軍府集覽東首加朝服論語
行襲率以璉權知匡國留後疾君視之東首加

朝服許州注見漢後主
拖紳質寶建興十年許昌

梁以楚王殷為天策上將軍

楚王殷求為天策上將
始開府以弟寶存為相

秋七月岐晉合兵攻梁夏州梁遣兵拒却之

岐王遣使告晉請合兵攻定難節度使李仁福晉王
遣周德威將兵會圍夏州梁主恐晉兵罷西京遣兵
分屯河陽三原遣李遇邀其歸路岐晉兵皆解去胡
氏曰晉之所圖莫重于梁次則燕也李仁福豈能為
河東病晉王狗三鎮之請為之遣師德威又不諫止
豈欲收三鎮心不得不然耶不然則持國之道踈矣
質寶西京注見唐玄宗開元十一年京兆河陽縣名
注見漢帝玄更始二年孟津定難節度未詳沿

草三原縣名注見
晉孝武太元五年

八月吳越蔡捍海石塘廣杭州城

由是錢塘富庶盛於東南

質實

捍海石塘一統志云在杭州府城東三里舊志云江挾海潮為杭人

患梁開平中錢武肅王始建候潮通江門潮水衝激版築不就因命強弩數百以射潮頭既而潮水漸向西陵乃積石植木為塘捍之城基始定土人相傳吳越王箭所射止處嘗立鐵幢因名鐵幢浦今其鐵箭尚存錢塘縣名注見
漢獻帝興平元年

書法

城不書必闕要而後書非闕要則京都也終綱目書廣城四是年杭州己卯年晉德勝壬

辰年徐知誥金陵乙卯年周大梁杭州大梁都城也德勝闕要也惟金陵知誥未都先城之

冬十一月蜀主立其假子宗裕等為王

初唐末宦官典兵者多養軍中壯士為子以自強由是諸將亦效之而蜀主尤多至百二十人雖冒姓連名而不

禁婚姻

書法

封子不書主此其書何假子也而悉封王甚矣故斥主讖之終綱目封子書主五詳陳已

外年惟此為讖辭

梁遣兵襲鎮州取深冀鎮定推晉王為盟主晉遣兵救之

梁主疑趙王鎔貳於晉且欲因鄴王紹威卒除移鎮定會燕王守光發兵侵定州遣供奉官杜廷隱丁延

徽監魏博兵三千分屯深冀聲言助趙守禦趙將石
公立戍深州白鎔拒之鎔不從公立出門指城而泣
曰朱氏滅唐社稷三尺童子知其為人而我王猶恃
姻好以長者期之此所謂開門揖盜者也惜乎此城
之人今為虜矣深冀民見魏博兵入奔走驚駭未幾
廷隱等閉門盡殺趙戍兵乘城拒守鎔始命公立攻
之不克乃遣使求援于燕晉與義武節度使王處直
共推晉王為盟主合兵攻梁晉王會將佐謀之皆曰
鎔久臣朱溫輸賂結昏其交深矣此必詐也王曰彼
亦擇利害而為之爾王氏在唐猶或臣或叛况肯終
為朱氏之臣乎今救死不贍何顧昏姻我若疑而不
救正墮朱氏計中乃遣周德威將兵出井陘屯趙州
鎔使者至幽州守光方獵孫鶴馳詣野謂曰趙人乞
師此天欲成王之功業也守光曰何故對曰比常患
其與朱溫膠固溫之志非盡吞河朔不已今彼自為
讐敵王若與之併力破梁則鎮定皆歛衽而朝燕矣

不早出師但恐晉人先我矣守光曰王鎔數負約今使之與梁自相斃吾可以坐承其利又何救焉不為出兵自是鎮定復稱唐天祐年集覽除移鎮定除移號梁主命王景仁等將兵擊之除代而移徙之也鎮州本漢常山郡今真定府是定州本漢中山郡今中山府是分屯深冀分屯分兵屯守二州也深州本漢博陵郡冀即禹貢冀州也二州俱在河正誤先我北東路先我注見唐德宗興元元年先人誤先我此言但恐晉人質實鄴國名注見漢獻帝建安十五年我救趙也年鎮定二州名鎮注見漢先武建武九年常山定注見周威烈王二十三年中山深冀二州名深注見唐穆宗長慶二年冀注見秦二世二年信都義武節度注見周威烈王二十三年中山趙王鎔趙國名注見漢景帝三年鎔成德節度王景崇之姪梁初封為趙王并陘縣名注見秦王政十八年趙州注見漢景帝三年王景仁合肥人

十二月梁定律令格式行之。梁進軍逼鎮州。晉王救之次于高邑。

梁王景仁等進軍柏鄉。趙王鎔復告急于晉。晉王自將東下。王處直遣將將兵五千以從。至趙州。與周德威合。獲梁芻蕘者。問之曰。梁主戒上將云。鎮州反。覆終為子孫之害。今悉以精兵付汝。鎮州雖以鐵為城。必為我取之。晉王命送于趙。進軍距柏鄉三十里。遣周德威等以胡騎迫梁營。挑戰。梁兵不出。進距柏鄉五里。營于野河之北。又遣胡騎迫梁營。馳射且詬之。梁將韓勣等將步騎追之。鎔胄鮮華光彩炫耀。晉人望之。奪氣。德威謂李存璋曰。梁人志不在戰。徒欲曜兵耳。不挫其銳。則吾軍不振。乃徇于軍曰。彼皆汴州屠酤傭販之徒。爾衣鎧雖鮮。十不能當汝一擒。獲一夫足以自富。乃奇貨不可失也。帥精騎千餘擊其兩端。

獲百餘人且戰且却距野河而止言于晉王曰賊勢甚盛宜按兵以待其衰王曰吾孤軍遠來救人之急三鎮烏合利于速戰公乃欲按兵持重何也德威曰鎮定之兵長于守城短于野戰且吾所恃者騎兵利于平原廣野可以馳突今壓賊壘門騎無所展其足且衆寡不敵使彼知吾虛實則事危矣王不悅退卧帳中諸將莫敢言德威往見張承業曰大王驟勝而輕敵不量力而務速戰今去賊咫尺所限者一水爾彼若造橋以薄我我衆立盡矣不若退軍高邑誘賊離營彼出則歸彼歸則出別以輕騎掠其饋餉不過踰月破之必矣承業入寨帳撫王曰此豈王安寢時邪德威老將知兵其言不可忽也王蹶然而興曰予方思之梁兵有降者詰之曰景仁方造浮橋王謂德威曰果如公言是日拔營退保高邑胡氏曰晉王雖善將兵而不善將將欲功自已出而短于用人高邑之從非承業啟其意則德威必死矣存勗資性如此

莫之能改他日胡柳陂竟違德威之謀遂失良將故
君子有言必心不外乃能統大衆智不鑿乃能處大
事晉王鑿智自私而心不

集臨見

薄我注見齊和帝中
興元年薄之他日胡

柳陂晉與梁戰于胡柳陂周德質實柏鄉縣名注見
威敗死在梁主瑱貞明四年

質實柏鄉縣名注見
唐憲宗元和十

一年芻蕘芻草也蕘薪也挑戰注見漢王邦四年野

河未詳處所惟真定府井陘縣東南一十五里有甘

洶河一名治河源發平定州松嶺流經縣界合綿蔓

河又東南流至平山縣入潞沱河或疑即此汴州注

見周顯王二十九年大梁高邑縣名注見漢光武建

武元年鄆邑浮橋注見周世宗顯德二年浮梁胡柳

陂未詳
處所

書法

凡救書次譏也此其譏歟美從諫也于是德
威請止高邑晉王不悅承業諫而從之知難

而退君子所許也美惡不嫌同辭終綱目救書次
五晉鄧武陵王紀王琳晉王戊申年唐遣兵惟王

琳晉王
非譏詞

辛晉岐吳稱唐天祐八年梁乾化元年
未○蜀永平元年○是歲凡五國五鎮
春正月朔日食

質實

日食注見新
莽天鳳元年

書法

日食正朔大變也終綱目書日食三百六十
七而正朔日食者二十八詳周安王十五年

及漢惠帝七年舍是
無書正朔食者矣

○晉王伐梁軍于柏鄉大破之

柏鄉比不儲芻梁兵刈芻自給晉人抄之梁兵不敢
出劉屋茅坐席以餉馬馬多死周德威與別將史建

塘李嗣源將精騎三千壓梁壘門而詒之王景仁韓
勅怒悉衆而出德威等轉戰而北至高邑南李存璋
以步兵陳于野河之上梁兵橫亘數里競前奪橋鎮
定步兵禦之勢不能支晉王謂指揮使李建及曰賊
過橋則不可復制矣建及力戰却之王登高丘以望
曰梁兵爭進而驚我兵整而靜我必勝戰自己至午勝
負未決王謂德威曰兩軍已合勢不可離我之興亡在
此一舉我為公先登公可繼之德威叩馬諫曰觀梁
兵之勢可以勞逸制之未易以力勝也彼去營三十
餘里雖挾糗糧亦不暇食日昃之後饑渴內迫矢刃
外交士卒勞倦必有退志當是時我以精騎乘之必
大捷今未可也王乃止至脯梁軍未食果引却德威
疾呼曰梁兵走矣晉兵大譟爭進梁兵驚怖大潰李
存璋引步兵乘之呼曰梁人亦吾人也父兄子弟餉
軍者勿殺于是戰士皆解甲投兵而棄之罵聲動天
地趙人以深冀之憾不顧剽掠但奮白刃追之梁之

精兵殆盡棄糧食資械不可勝計凡斬首二萬級河朔大震晉王收兵屯趙州杜建德等棄深冀而去

集覽

比年也每歲也儲芻比昆至反猶言質實史建塘雁門人

見唐玄宗天寶十五載

書法

前書梁龍鎮州罪梁也故晉書救至是而大書伐梁軍則予晉之為盟主矣

發明

前此梁晉交攻屢矣至是始稱伐者或解圍或救援非直與梁對壘故爾今焉正其名義

則明晉之為唐復讐而著梁之有罪也然則何以不書討曰討大矣晉非純乎義者特假之而行耳權其輕重書之以伐且著其破梁之功則亦少伸大義于天下而使三綱之理未盡泯也嗚呼微矣

晉師圍邢魏梁兵救之晉師還

晉王遣周德威史建塘趙澶魏張承業李存璋攻邢州自以大軍繼之移檄河北州縣諭以利害自攻魏州不克梁主以羅周翰年少且忌其舊將佐以李振為天雄節度副使命杜廷隱將兵千人衛之間道夜入魏州助周翰城守晉王觀河于黎陽梁兵將度皆棄舟而去德威拔夏津高唐東武朝城澶州刺史棄城走進攻黎陽拔臨河淇門逼衛州掠新鄉共城梁主帥親軍屯白司馬阪以備之劉守光淫虐滋甚每刑人必置諸鐵籠以火逼之又以鐵刷刷人面聞梁兵敗使人謂趙王鎔及王處直曰聞二鎮與晉王破梁兵舉軍南下僕亦有精騎三萬欲自將之為諸公啟行然四鎮連兵必有盟主僕若至彼何以處之鎔答于晉王晉王笑曰趙人告急守光不能出一卒以攻之及吾成功乃復欲以兵威離間二鎮愚莫甚焉

諸將曰雲代與燕接境彼若擾我城戍動搖人情亦腹心之患也不若先取守先然後可以專意南討王曰善會梁楊師厚引兵救邢魏晉王大犒將士自是遣其養子屯魏州趙王鎔來謁晉王征討德明本姓德明將三十七都常從晉王征討德明本姓張名文禮晉王歸晉陽留周德威等戍趙州集覽澶澶本漢頓丘縣地唐宋皆名澶州取古澶淵為名今開州是魏州在澶州北一百六十二里今大名府是質實澶魏二州名澶注見隋恭帝皇泰二年魏注見漢成帝綏和二年邢州注見楚義帝元年襄國黎陽縣名注見漢成帝綏和三年夏津縣名注見隋煬帝大業七年鄒高唐縣名注見周顯王十四年東武縣名注見秦王政十四年武城朝城縣名注見隋文帝開皇十二年臨河縣名注見唐昭宗大順二年淇門縣名注同上年衛州注見秦王政六年朝歌新鄉縣名注見均王龍德二年共城縣名注同上年白

司馬阪未
詳處所

三月梁清海節度使劉隱卒弟巖知留後質實清海節度注見

秦始皇三十三年南海 ○夏四月岐攻興元蜀兵擊卻之

蜀主之女普慈公主嫁岐王從子繼崇繼崇驕矜嗜酒蜀主召公主歸寧留之岐王怒始與蜀絕至是岐

王聚兵寇蜀興元集覽歸寧詩葛覃篇歸寧父母注唐道韞擊卻之寧安也謂問安也父母在則

有時歸寧爾泉水篇序父母終思歸寧而不得注國君夫人父母在則歸寧沒則使大夫寧于兄弟質

實普慈縣名注見唐高宗顯慶三年普州興元府名注見周報王四年漢中

晉王推劉守光為尚父梁亦以為采訪使

守光嘗衣赭袍顧謂將吏曰今天下大亂英雄角逐
吾兵強地險亦欲自帝何如孫鶴曰今內難初平公
私困竭太原窺吾西契丹伺吾北遽謀自帝未見其
可大王但養士愛民訓兵積穀德政既修四方自服
矣守光不悅又使人諷鎮定求尊已為尚父趙王鎔
以告晉王晉王怒欲伐之諸將皆曰是為惡極矣行當
族滅不若陽為推尊以稔之乃與鎔及義武王處直
昭義李嗣昭振武周德威天德宋瑤六節度使共奉
冊推守光為尚書令尚父守光不寤益驕表梁主曰
晉王等推臣臣荷陛下厚恩未之敢受不若陛下授
臣河北都統則并鎮不足平矣梁主亦知其狂愚乃以
守光為河北道採訪使遣使冊命之守光命僚屬草
受冊儀僚屬取唐冊太尉儀獻之守光問何得無郊
天改元之事對曰尚父人臣也安有郊天改元者乎
守光怒授之於地曰我地方二千里帶甲三十萬直
作河北天子誰能禁我尚父何足道哉命趣具即帝

位之儀械繫梁及諸道集覽尚父注見唐肅宗寶應元年質實褚袍使者于獄既而皆釋之

之服也諸音者赤黃色太原府名注見齊明帝建武三年并州昭義軍名注見周赧王五十三年上黨振

武軍名注見秦王政三年雁門天德軍名注見唐憲宗元和八年并鎮二州名并注見齊明帝建武三年

鎮注見漢光武建武九年常山陞下注見漢光武建武二十七年

書法尚父有書尊者矣郭子儀有書號者矣王行瑜此其書推何六鎮所推也尚父天子所以

尊大賢也豈鎮使得用之乎而用之守光無父之人益非矣雖曰以掩其惡終非正也書交譏之諸鎮

不書書晉王何專咎盟主也

發明守光因父殺兄晉王前日助之已為非義今又從而尊之何哉然守光自因其父而使也

人尊己為尚父固其狂愚無足道者怒而欲伐晉王可謂審于知義矣陽為推尊晉之諸臣何不思之甚乎揭書晉王是亦制命在君之義也

秋七月梁主避暑于河南尹張宗奭第

宗奭即全義也梁改其名梁主避暑其第亂其婦女殆徧宗奭子繼祚不勝憤耻欲弑之宗奭止之曰吾家項在河陽為李罕之所圍嚙木屑以度朝夕賴其救我得有今日此恩不可忘也乃止
府名注見秦莊襄王元年三川
質實河南

書法

避暑何久辭也與留飲十日者又異矣終綱目書章諸臣之家五章其府二詳漢安帝建

光元年譏莫甚于此也

發明

君臣為謔禮典有經朱溫假避暑之行瀆亂男女向使張繼祚得行其謀則其及也固不

俟友珪之變矣然溫本故盜賊初無足責書之姑以著其遺臭云爾

梁遣楊師厚將兵屯邢州趙王鎔會晉王于承天軍考

異

此前未書封鎔為趙王疑漏

趙王鎔以楊師厚在邢州甚懼會晉王于承天軍晉王謂鎔父友也事之甚恭謂曰朱溫之惡極矣天將誅之雖有師厚輩不能救也脫有侵軼僕自帥眾當之叔父勿以為憂鎔奉危為壽謂晉王為四十六舅晉王許以女妻其幼子昭集覽侵軼注見晉穆帝永誨由是晉趙之交遂固和二年奉危為壽史記漢高本紀奉玉卮為太上皇壽注卮鄉飲酒禮器也受四升灌夫傳起為壽注上酒為稱壽非大行酒

質實

承天軍未詳
沿革姑缺之

八月燕王劉守光稱帝

守光將稱帝將吏多竊議以為不可守光乃置斧質于庭曰敢諫者斬孫鶴曰滄州之破鶴分當死蒙王生全以至今日敢愛死而忘恩乎竊以為今日之帝未可也守光怒伏諸質上令軍士毋而噉之鶴呼曰百日之外必有急兵守光命以土室其口寸斬之遂即位改元應天受冊之日契丹臨平州燕人驚擾

集覽

斧質注見秦二
世三年伏鐵質
質實燕國名注見唐高祖武德四年幽州契丹北狄種名

注見晉安帝義熙二年平州
注見秦王政三年右北平

書法

守光篡父綱目一再削爵矣此其書燕王何不書燕王無以知稱帝之為燕帝也雖書稱

帝綱目終不以燕主書之然守光稱帝孫鶴諫死則曷為不書曰鶴之死當于殺守文時也守文舉義不克見殺鶴佐吏也乃復忌耻事讐於是而死則已晚矣故綱目畧之

岐王使劉知俊攻蜀圍安遠軍

岐王使知俊李繼崇將兵擊蜀蜀將王質實安遠軍宗侃大敗奔安遠軍知俊繼崇追圍之質實未詳處所王宗侃壽張人

九月梁主如相州

梁主聞晉趙謀南伐自將拒之至衛州方食軍前奏晉軍已出井陘遽命輦北趣邢洛晝夜倍道魚行至相州聞晉兵不出乃止刺史李思安集覽落然落寥不意梁主猝至落然無具坐削官爵落也蕭索

貌質實

相州注見漢元帝建昭二年魏郡井陘縣名注見秦王政十八年邢洺二州名邢注見楚

義帝元年襄國洺注見漢武帝元狩四年廣平

冬十月晉遣李承勲使于燕

晉王聞劉守光稱帝大笑曰俟彼十年吾當問其鼎矣張承業請遣使致賀以驕之晉王遣太原少尹李承勲往用鄴藩通使之禮燕興客欲使稱臣庭見承勲曰吾受命于唐朝為太原少尹燕王豈得而臣之乎守光怒囚之數日竟不能屈胡氏曰晉諸將請導劉守光以擒其惡張承業請賀其稱帝以驕其心自詐謀而論則用兵之善計自義而論則不若晉王欲伐之之為正也昔湯嘗事葛矣教之以禮導之以善一不從再不從而終不悛也然後伐之方守光圖為僭竊晉王宜遣使為言人倫不可恃天命不可干因

父殺兄僭居大號天下其孰容之守光長惡迷復于是致討必師涉燕地而變生肘腋矣此其舉措豈不賢于承業諸人集覽問其曷注見梁武帝大通元年湯居亳與葛為鄰葛伯放而不祀湯先助之故孟子曰湯事葛

十一月梁主還洛陽

梁主發相州至洹水邊吏言晉趙兵南下梁主即時進軍至魏縣或告云沙陀至矣士卒怙懼多逃亡嚴刑不能禁既而復告云無寇上下始定梁主以夾寨柏鄉屢失利故力疾北巡思一雪其耻意鬱鬱多躁忿功臣宿將往往以小過被誅衆心益懼既而晉趙兵竟不出梁主南還納懷州刺史段明遠妹為美人明遠饋獻豐備梁主質實洹水地名注見漢成帝綏悅至洛陽疾復作和二年魏縣注同上年沙

陀處月別種注見唐肅宗太極元年懷州注見宋順帝昇明元年

幽州參軍馮道奔晉

劉守光謀攻易定道以為未可繫獄得免質實幽州亡奔晉張承業薦之晉王以為掌書記
唐高祖武德四年馮道瀛州樂壽人仇之曾孫也易定二州名易注見周世宗顯德六年定注見周威烈王二十三年中山

書法奔者何危不早也守光因父殺兄僭稱大號道不聞直諫而區區于易定之役道所以自全也而不免而後奔故書危之

蜀主自將擊岐兵大破之

蜀王宗弼王宗播再敗岐兵蜀主如興元安遠軍望其旗王宗侃等鼓譟而出與援軍夾攻岐兵大破之拔二十一寨斬其將李廷志等岐兵解圍遁去唐道讓先伏兵于斜谷邀擊又破之岐王左右諂劉知俊岐王奪其兵李繼崇曰知俊壯士窮來歸我不宜以讒廢之知俊舉族居于秦州

質實

斜谷注見

漢獻帝初平二年秦州注見漢光武建武元年天水

劉守光寇易定晉遣兵救之

書法

兩鎮相加書攻擊恒也此其書寇何守光因父殺兄又僭大號是真賊矣于是犯晉同盟故

寇之而下書伐

壬晉岐吳稱唐天祐九年梁乾申化二年○是歲凡五國五鎮春正月晉師及鎮定之

兵伐幽州二月梁主救之大敗走還

晉周德威東出飛狐與趙將王德明義武將程巖會于易水攻燕祁溝關下之圍涿州刺史劉知溫城守劉守奇之客劉去非大呼于城下謂知溫曰河東小劉郎來為父討賊何與汝事而堅守邪守奇免胄勞之知溫遂降周德威疾守奇之功譖諸晉王守奇惡獲罪與去非及進士趙鳳奔梁梁主以為博州刺史先是守光籍境內丁壯悉文面為兵雖士人亦不免鳳詐為僧奔晉守奇客之德威遂至幽州城下守光求援于梁梁主自將救之從官以梁主誅戮無常多憚行梁主怒至白馬頓賜從官食多未至遣騎趣之散騎常侍孫陽等三人後至撲殺之至武陟段明遠供饋有加于前帝追思李思安前事貶柳州司戶告曰觀明遠之忠勤如此見思安之悖慢何如尋長流崖州賜死明遠後更名疑梁主至魏州命楊師厚李

周彝圍棗彊賀德倫素象先圍舊縣晝夜兼行至下
博遇趙將特習引數百騎巡邏或告曰晉兵大至矣
梁主棄行懼亟引兵趣棗彊與師厚軍合師厚亟攻
棗彊數日不下城壞復脩死傷萬數城中矢石將竭
謀出降有一卒奮曰賊自柏鄉喪敗以來視我鎮人
裂背今往歸之如自投虎狼之口爾我請獨往試之
夜縋出降周彝召問之對曰非半月未易下也因請
一劍斂死周彝不許使荷擔從軍卒得間舉擔擊周
彝首踣地救至得免梁主愈怒命師厚晝夜急攻屠
之德倫攻舊晉將李存審謂史建塘李嗣肱曰吾王
方有事幽薊無兵以來使賊得舊必西侵深冀忠益
深矣當與公等以奇計破之存審乃引兵扼下博橋
使建塘嗣肱分道擒生遇梁軍之樵芻者皆執之獲
數百人殺之留數人斷臂縱去曰為我語朱公晉王
大軍至矣時梁主引師厚兵攻舊未及置營建塘嗣
肱各將三百騎斂梁軍旗幟服色與樵芻者雜行暮

至營門縱火大譟弓矢亂發營中大擾不知所為斷臂者復來曰晉軍大至矣梁主大駭燒營夜遁迷失道委曲行百五十里稽之耕者皆荷鋤奮棰逐之委棄資械不可勝計既而復遣騎覘之曰晉軍實未來此乃史先鋒遊騎爾

集覽

飛狐注見漢王邦三年蜚狐祁溝關禹貢冀州之域

梁主慙憤病遂增劇

祁或作岐今易州涿水縣岐溝鎮是白馬頓頓館舍也今涿州白馬縣是孫騰等三人孫騰與張衍張雋李思安前事在去年九月秦彊縣名也漢地志清河郡有秦彊縣今隸冀州涿縣注見隋煬帝大業七年

隋人下博注見漢帝玄更始二年裂晉晉目睚也裂破目睚言其怒之甚幽薊幽禹貢冀州之域舜以冀州南

北廣遠分燕北地置幽州以在北方幽陰之地也今大興府是薊本幽州漁陽縣秦置漁陽郡唐武德以

後析幽州三縣置

質實

易水注見秦王政二十二年薊州注見漢帝玄更始二年

趙鳳幽州人博州注見漢光武建武八年東都白馬縣名注見漢獻帝建安五年武陟縣名注見周烈王六年懷崖州注見漢武帝元鼎六年朱崖柳州注見唐中宗嗣聖元年素彊一統志云漢之縣名屬清河郡東漢省魏復置晉析置廣川縣屬渤海郡北齊省廣川縣入秦彊其地秦木彊盛故名隋唐皆屬冀州宋省為鎮尋復置金元俱仍舊國朝因之改屬真定府史先鋒謂史建塘

書法

殊鎮定何尊盟主也柏鄉之師晉書伐矣于是再書伐皆予之也晉仍唐歷舉事近義故

綱目多

予辭

發明

劉守先因父殺兄僭竊大號今又進寇易定然晉人舉兵乃僅以伐書何哉始焉助之次

焉推尊之終焉又遣使賀之晉人之失亦既多矣大義不明不足以盡誅討之實故綱目予之而不盡

予者良有以也若夫朱溫黨惡固自均為逆賊大敗走還蓋亦天誅之也何足道哉

滄州人殺劉繼威

義昌節度使劉繼威年少淫虐類其父淫于都指揮使張萬進家萬進怒殺之梁以萬進為節度使

實義昌節度注見晉穆帝永和六年

書法

繼威何節度使也曷為不書削之也繼威淫虐指揮張萬進殺之綱目澄源正本不書萬

進書人垂戒深矣

發明

劉繼威為張萬進所殺而以滄州人書之者明繼威淫虐州人皆欲殺之云爾

晉師克瓦橋關

周德威遣裨將攻瓦橋關其將吏及莫州刺史李嚴皆降嚴涉獵書傳晉王使傳其子繼岌嚴固辭王怒將斬之教練使孟知祥諫曰彊敵未滅大王豈宜以一怒戮嚮義之士乎乃免之知祥李克讓之壻也

質實

瓦橋關一統志云在保定府雄縣為三關之一莫州注見周世宗顯德六年孟知祥邢州人

夏四月晉師克瀛州質實

瀛州注見漢帝玄更始二年河間

書法

澤雍夏皆書梁某州此其不書梁瀛州何取之也取之則曷為不書不以取非其有為晉

王病也曷為不以取非其有為晉病河北唐之河北晉稱天祐則猶唐臣也以唐臣取唐地何病焉凡晉之攻梁地不克則書梁某州克則不書梁某州是故瀛州不書梁德州不書梁澶州不書梁衛磁不書梁洺州不書梁相邢二州不書梁滄州不書梁貝州不書梁梁取晉地則書晉某地是故攻

晉魏州書晉攻晉德勝南城書晉晉臣降梁書叛是故潞州降梁以叛書梁臣降晉則不書叛是故朱友謙再降晉不書叛隰州降晉不書叛魏人降晉不書叛張蕩進降晉不書叛皆所以重予晉也其予晉何也梁篡國臣唐予晉抑梁正也

○五月梁主至洛陽

梁主至洛陽疾甚謂近臣曰我經營天下三十年不意太原餘孽更昌熾如此吾觀其志不小天復奪我年我死諸兒非彼敵也吾無質實洛陽縣名注見周葬地矣因哽咽絕而復蘇顯王三年太原餘孽謂晉王李存勗

書法

前書如相州繼書還洛陽次書救幽州敗走繼書至洛陽八九月間梁主之奔走亦疲矣

一一書之志
晉之興也

劉守光遣兵出戰晉人擊敗之擒其將考異

據提要將
字下有單

廷珪
三字

守光遣其將軍廷珪將精兵萬人出戰與周德威遇
于龍頭岡曰今日必擒周楊五以獻楊五德威小名
也既戰單騎逐之槍及德威背德威側身避之奮槊
反擊廷珪墜馬擒之燕兵退走引騎乘之斬首三千
級廷珪燕之驍將質實龍頭岡未
也燕人失之奪氣質實詳處所

吳徐溫攻宣州克之殺其觀察使李遇

吳鎮南節度使劉威歙州觀察使陶雅宣州觀察使
李遇常州刺史李簡皆武忠王舊將有大功以徐溫

秉政內不能平李遇尤甚館驛使徐玠使于吳越溫使說遇入見新王曰公不爾人謂公反遇怒曰君言遇反殺侍中者非反邪溫怒以王檀為宣州制置使數遇不入朝之罪遣柴再用徐知誥副之遇不受代再用攻之踰月不克遇少子為淮南牙將溫執之至城下示之遇不忍戰乃請降溫斬之夷其族于是諸將始畏溫莫敢違其命知誥以功遷昇州刺史知誥事溫甚謹溫特愛之每謂諸子曰汝輩事我能如知誥乎時諸州長吏多武夫專以軍旅為務不恤民事知誥獨選用廉吏脩明政教招延四方士大夫洪州進士宋齊丘好縱橫之術謁知誥知誥奇之辟為推官與判官王令謀參軍王翊專主謀議以牙吏馬仁裕曹棕集覽縱橫之術蘇秦張儀之術也注見周安為腹心集覽王十五年縱橫王翊姓名也翊音胡萌反質實宣州注見漢明帝永平十三年丹陽常州注見隋煬帝大業十二年毘陵武忠王楊行密

卒謚曰武忠王洪州注見漢武帝
元鼎五年豫章宋齊丘萬載人

書法

遇不朝吳斥徐溫何溫私也
故不書討書攻不書誅書殺

六月梁郢王友珪弑其主晃而自立

梁主長子郢王友裕早卒次假子博王友文梁主特
愛之常留守東都次郢王友珪其母亳州營娼也為
控鶴指揮使無寵次均王友貞為東都指揮使初張
后嚴整多智梁主敬憚之后殂梁主恣意聲色諸子
雖在外常徵其婦入侍友文婦王氏色美尤寵之欲
以友文為太子友珪心不平梁主疾甚命王氏召友
文欲付以後事友珪婦張氏知之密告友珪曰大家
以傳國實付王氏懷往東都吾屬死無日矣夫婦相
泣左右或說之曰事急計生何不攻圖六月朔梁主
命敬翔出友珪為萊州刺史友珪恐易服微行入左

龍席軍見統軍韓勅以情告之勅亦見功臣多被誅懼不自保遂相與合謀以牙兵從友珪雜控鶴士中夜斬闕入至寢殿梁主驚起曰我固疑此賊恨不早殺之汝悖逆如此天地豈容汝乎友珪曰老賊萬段友珪僕夫馮廷諤刺梁主腹刃出于背以敗德襄之瘞于寢殿遣供奉官丁昭溥馳詣東都命友貞殺友文矯詔稱友文謀逆賴友珪忠孝將兵誅之宜令友珪權主軍國之務韓勅為友珪謀多出金帛賜諸軍及百官以取悅乃發喪即位胡氏曰朱溫雖篡逆無道若其用兵則雄長一時矣及晚節末路平日狡桀畧不復施何也溫本羣盜豈嘗有天下之志一旦據非所據意滿氣得豐殖乎貨財沉溺乎子女精銳之鋒勢自銷矣蛟厲之智集覽老賊萬段唐段秀實罵浸以昏昧何足怪哉朱泚曰吾恨不斬汝萬段即質實郴州名注見楚義帝元年鄂州名注見齊和帝中興元年亳州注見漢獻帝建安十

五年黠邑均州名注見齊元帝建武元年武當大家
注見陳宣帝太建三年萊州注見漢安帝永初十二
年刺史官名注見漢成帝建始四年部
刺史東都注見秦莊襄王元年三川郡

發明

朱溫篡唐其兇暴悖逆世所未有至其末年
禍亦不小且溫既能以臣弑君故友珪亦能

以子弑父其屠戮之慘殆與祿山無異此皆天理
昭昭之報也況其淫汙雜揉又祿山之所無者乎
據事書之
理自見矣

梁忠武軍亂殺節度使韓建

書法

唐亡節度書弑矣此其曷為書
殺梁鎮也故不從淮南趙例

○秋七月梁以楊師厚為天雄節度使

天雄節度使羅周翰幼弱楊師厚軍于魏州久欲圖之憚梁主威嚴不敢發至是引兵入牙城據位視事梁以師厚為天雄節度使徙周翰鎮宣義宣義軍名注見隋恭帝皇泰二年

梁加吳越王錡尚父質實

尚父注見唐肅宗實應元年

○梁遣兵擊

河中節度使朱友謙降晉

友珪既篡立諸宿將多憤怒雖曲加恩禮終不悅護國節度使冀王友謙泣曰先帝數十年開創基業前日變起宮掖聲聞甚惡吾備位藩鎮心竊耻之友珪加友謙侍中且徵之友謙謂使者曰先帝晏駕不以理吾且至洛陽問罪何以徵為友珪遣質實護國節度注見韓勅討之友謙以河中附于晉以求救質實周赧王十二年蒲阪晏質實駕注見漢高帝十二年

書法

書爵何予友諫也曷為予之友珪弒遂友諫欲討而力不逮雖降晉可也凡梁臣降晉不

書叛降晉則曷為不書叛梁氏篡國晉仍唐歷則猶唐也挈唐土歸唐人何叛之有

梁以敬翔同平章事

友珪以敬翔太祖腹心恐其不利于已欲解其內職恐夫人望遂以為相以李振充崇政院使翔多稱疾不預政事

吳以徐溫領鎮海節度使

吳劉威為帥府所忌徐溫將討之威幕客黃訥說威曰公受謗雖深反本無狀若輕舟入覲則嫌疑皆亡矣威從之陶雅亦懼與威偕詣廣陵溫待之甚恭如事武忠王之禮皆遣還鎮由是人皆重溫所實實

鎮海節度注見晉成
帝咸和三年京口

冬十月晉王救河中梁兵敗走

朱友諒告急于晉晉王自將而西遇梁將康懷貞大
破之梁兵解圍退保陝州友諒至猗氏詣晉王帳拜
之為舅晉王夜置酒張樂友諒大醉晉王留宿
帳中友諒安寢鼾息自如明旦復置酒而罷

集覽

猗氏猗於宜反漢書注河東府猗氏縣古猗頓城也
今隸河中府鼾息鼾音侯盱反鼾睡也息鼻息出入
者質實陝州注見周顯王四十五年猗氏一統志云
也質實古邠國地周文王子所封後為晉令狐地漢
置猗氏縣屬河東郡因猗頓居為名而魏改曰桑泉
後周復曰猗氏屬汾陰郡隋屬蒲州自故城徙今治
唐屬河中府宋金元仍舊
國朝因之改屬平陽府

梁楊師厚入朝

楊師厚既得魏博又兼都招討使宿衛勁兵多在麾下諸鎮兵皆得調發威勢甚重心輕友珪專行不顧友珪患之發詔召之師厚將行其腹心曰往必不測師厚曰吾知其為人矣乃帥精兵萬人度河友珪大懼至都門留兵于外與十餘人入所質實麾下注見漢見友珪喜遜詞悅之厚賜遣還王邦三年

書法

凡書入朝必予辭也師厚聞召而行其予之

皆號勁兵諸鎮又得調用既以精兵萬人至洛問罪討賊無難矣乃立其讐耻朝覲如儀受賜而歸其罪大矣故書之而削其官

發明

友珪弑逆已五閱月師厚據大鎮擁彊兵不能伏義致討乃反委身朝賊故特筆書之以

著其黨惡之罪也

梁隰州降晉質實

隰州注見晉懷帝永嘉二年蒲阪

癸晉岐吳稱唐天祐十年梁主瑱酉乾化三年○是歲凡五國五鎮

春正月晉拔燕順薊

州安遠盧臺軍質實

順薊二州名順注見唐高祖武德九年燕州薊注見秦王政三年漁

陽安遠盧臺二軍名安遠未詳沿革盧臺唐初所置屬幽州五代時陷入契丹故城在河間府青縣衛河西南岸周圍三十里○二月梁均王友貞起兵討賊友珪伏誅友

貞立于大梁更名瑱友謙復歸梁

友珪遷為荒淫內外憤怒駙馬都尉趙巖犇之子太祖之婿也龍肅統軍象先太祖之甥也巖奉使至

大梁均王友貞密與之謀誅友珪嚴曰此事成敗在
楊令公得其一言諭禁軍吾事立辦均王乃遣腹心
說師厚曰郢王篡弑人望屬在大梁公若因而成之
此不世之功也且許事成之日賜撫軍錢五十萬緡
師厚與將佐謀之曰方郢王弑逆吾不能即討今君
臣之分已定無故改圖可乎或曰郢王親弑君父賊
也均王舉兵復讐義也奉義討賊何君臣之有彼若
一朝破賊公將何以自處乎師厚驚曰吾幾誤計乃
遣其將王舜賢至洛陽陰與袁象先謀嚴歸洛陽亦
與象先定計先是龍驤軍戍懷州者潰亂友珪搜捕
其黨獲者族之經年不已有成大梁者友珪徵之均
王因使人激怒其衆曰天子追汝輩欲盡阮之其衆
皆懼見均王泣請可生之路王曰先帝與汝輩三十
餘年征戰經營王業今先帝尚為人所弑汝輩安所
逃死乎因出太祖畫像示之而泣曰汝能自趣洛陽
雪讐耻則轉禍為福矣衆皆踊躍呼萬歲象先等率

朱溫之故而廢
討賊之法哉

二月晉師徇山後八軍及武州皆下之

劉守光命元行欽募山北兵以應契丹又以騎將高
行珪為武州刺史晉李嗣源分兵徇山後八軍皆下
之進攻武州行珪以城降行欽引兵攻行珪行珪使其
弟行周質晉軍以求救嗣源救之行欽力屈亦降嗣源
愛其驍勇養以為子攻儒州拔之以行珪為代州刺
史行周留事嗣源常與嗣源假子從珂分將牙兵以
從從珂本王氏子母魏氏為嗣源妾故嗣源以
從珂為子及長以勇健善戰知名嗣源愛之質實
武州一統志云禹貢冀州之城戰國屬燕秦為上谷
郡地漢為下洛縣地屬幽州東漢魏因之晉末為馮
跋所據後魏于此置文德縣歷後周不改唐陸為武
州仍置縣乾元中改為穀州五代時唐復為武州晉

以賂遼遼改為歸化州後為德州金天眷初改為宣
德州屬大同府大定中又改宣化州尋復為宣德州
元初改為宣寧州尋改為山東路總管府中統初改
為宣德府屬上都路至元中改為順寧府領宣德宣
平順聖三縣國朝初盡徙其民于關內府縣俱廢後
置萬全都指揮使司直隸京師契丹北狄種名注見
晉安帝義熙二年儒州注
見晉懷帝永嘉五年廣寧

夏四月晉師逼幽州拔平營州

晉周德威進軍逼幽州南門劉守光遣使致書請和
語甚悲哀德威曰大燕皇帝尚未郊天何雌伏如是
邪予受命討有罪者結盟繼好非所聞也
質實平州
不答其書別將劉光濟拔平州營州降
見晉武帝太康二年昌黎
泰王政三年石北平營州注

梁擊趙以救燕晉分兵拒之

楊師厚與劉守奇將兵十萬大掠趙境至鎮州燔其
闕城周德威遣騎將李紹衡會趙將王德明同拒梁

軍

質寶

鎮州注見漢光武
建武九年常山

六月蜀以道士杜光庭為諫議大夫

光庭博學善屬文蜀
主重之頗與議政事

書法

嘗書道士加三品階矣又書以道士為崇玄
館學士矣未有為諫議者書道士為諫議大

夫譏非人也終綱目書諫議大夫十六詳漢光
武建武五年惟吳通玄韋渠牟杜光庭為譏焉

發明

既曰道士而乃任以諫議則亦名實有
相戾矣蜀之用人如此于光庭乎何誅

蜀主殺其太子元膺

元膺，蜀主鮑，齒目視不正，而警敏知書，善騎射，性狷急，猜忍。蜀主命杜先庭選純靜有德者侍東宮。先庭薦儒者許寂、徐簡夫。太子未嘗與之交，言曰：「與樂工羣小嬉戲，無度僚屬，莫敢諫。」至是，召諸王大臣宴飲。集王宗翰內樞密使潘峭、翰林承旨毛文錫不至。太子怒曰：「集王不來，必峭與文錫離間也。」白蜀主貶之。少保唐道勣、蜀主嬖臣也。太子素惡之，屢相譖毀。至是，言于蜀主曰：「太子謀作亂，欲召諸將諸王以兵，銅之。然後舉事，爾蜀主疑焉。」道勣請召兵入衛，內外戒嚴。太子初不為備。聞道勣召兵，乃以天武甲士自衛。捕峭、文錫囚之。軍使徐瑤常譙各帥所部奉太子攻道勣，斬之內樞密使潘炕。言于蜀主曰：「太子與道勣爭權，爾無他志也。」陛下宜面諭大臣以安社稷。蜀主乃召王宗侃等使發兵討瑤，殺之。譙與太子亡匿，艦。

中舟人以告蜀主遣宗翰往慰撫之比至已為衛士所殺蜀主疑宗翰殺之大慟不已會張格呈慰諭軍民榜讀至不行斧鉞之誅將誤社稷之計蜀主收涕曰朕何敢以私害公于是下詔廢元膺為庶人集

覽

潘炕姓名也炕音口浪反

質實

假喙假古瑕反

左傳深目而顴顴鮑

顴鮑

齒鮑步交反露齒也東宮注見宋文帝元嘉二十七年集州名一統志云唐初所置治難江縣五代因之宋省州以難江縣屬巴州元廢之故城在保寧府巴縣境內社稷注見新莽天鳳元年

書法

殺元膺者天武衛士也罪蜀主何元膺之因道罷之諧也春秋之法前有說而不見後有

賊而不知則罪其君蜀主于是不得辭其責矣終綱目書殺其太子三趙太子寔魏太子恂蜀太子

元膺

晉克瀛莫州。梁賜高季昌爵渤海王。

季昌造戰艦五百艘治城塹繕器械為攻守之具招聚亡命交通吳蜀朝廷浸不能制。
質實海

郡名注見晉穆帝永和六年

冬十月蜀立宗衍為太子考異

立下漏子字

蜀潘炕屢請立太子蜀主以雅王宗輅類已信王宗傑才敏欲擇一人立之鄭王宗衍最幼其母徐賢妃有寵使唐文犀諷張格表請立之格夜以表示王宗侃等詐云受密旨衆皆署名蜀主不得已許之曰宗衍幼懦能堪其任乎宗衍受冊畢炕稱疾請老蜀主不許涕泣固請乃許之國有大疑常遣使就第問之。
質實雅州名注見唐僖宗中和二年信州名注見漢獻帝建安十九年巴東鄭州名注見梁武帝普

通六年

鄭城

書法

五季舍唐蜀無立太子者太子國本也雖僭國謹書之

十一月晉王入幽州執劉仁恭及守光以歸

盧龍巡屬皆入于晉守光求援于契丹契丹以其無信不救屢請降于晉晉人疑其詐亦不許至是登城謂周德威曰侯晉王至吾則開門泥首聽命十一月晉王單騎抵城下謂守光曰朱溫篡逆余本欲與公合河朔之兵興復唐祚公謀之不臧乃效彼狂僭鎮定二帥皆悅首事公而公曾不之恤是以有今日之役丈夫成敗須決所向公將何如守光曰今日俎上肉爾惟王所裁王憫之與折弓矢為誓曰但出相見保無他也先是守光愛將李大喜多贊成守光之惡至是守光將出降小喜止之是夕踰城出降且言城

中力竭晉王督諸軍四面攻城克之擒劉仁恭守光
帥妻子亡去王入幽州以周德威為盧龍節度使李
嗣本為振武節度使守光將奔滄州迷失道為人所
擒送晉軍晉王發幽州仁恭父子皆荷校于露布之
下至行唐趙王集覽泥首以物蒙其頭如刑人之狀
鎔迎謁于路也荷校荷下可反負也校居效

反說文木囚也易荷校滅耳此桎也荷校滅趾梏也
露布注見晉恭帝元熙二年行唐地名在幽州境

質實

鎮定二帥謂趙王鎔王處直一統志云行唐秦
之縣名漢為常山國晉屬中山國隋屬恒山郡

唐置王城縣長壽初又改為章武縣神龍初復名行
唐縣大歷初改置洺州尋廢以縣屬恒州五代梁改
為彰武縣晉改為永昌縣尋復為行唐縣宋金俱
屬真定府元屬保定路國朝因之改屬真定府

書法

晉之伐為守光也書執守光可矣書仁恭何
皆罪人也冒為不書仁恭父子罪各異也故

書及以殊之

十二月梁遣兵侵吳吳人擊敗之

梁以王景仁為淮南招討使將兵萬餘侵廬壽吳徐溫朱瑾帥諸將拒之遇于趙步微兵未集溫戰不勝而却景仁乘之吳吏士皆失色將軍陳紹援槍大呼曰誘敵太深可以進矣躍馬還鬪衆隨之梁兵乃退溫賜之金帛紹悉以分麾下吳兵既集復戰于霍丘梁兵大敗梁之渡淮而南也表其可涉之津霍丘守將朱景浮表于水徙置深淵及梁質實廬壽二州名兵敗還望表而涉溺死者大半廬注見漢景帝三年廬江壽注見秦王政六年壽春趙步或疑地名未詳處所淮南郡名注見漢武帝元朔五年麾下注見漢王邦三年淮水名注見漢後主建興二年霍丘縣名注見梁武帝天監五年

甲晉岐吳稱唐天祐十一年梁乾
成化四年。是歲凡五國五鎮

春正月劉仁恭劉守

光伏誅

晉王以練紆劉仁恭父子凱歌入于晉陽獻于太廟
自臨斬劉守光守光呼曰教守光不降者李小喜也
小喜瞋目叱守光曰汝內亂禽獸行亦我教邪王怒
其無禮先斬之乃斬守光械仁恭至代州刺其心血
以祭先王墓
然後斬之
集覽以練紆廣韻玉篇皆無此紆字惟
通鑑釋文音昌者反無訓解疑即
拖拽之義凱歌注見陳
宣帝太建九年凱樂
正誤紆今按丁度集韻充
夜切以繩維持之也

書法

守光之罪著矣仁恭也而並書伏誅何仁恭
為下則攻其帥為臣則忍其君非罪乎綱目

之法間無事則蒙上文晉王入幽州之後間有事
矣仁恭伏誅曷為不以晉誅書不以仁恭父子之

誅為晉王私也若曰仁恭父子得罪于天下而天下誅之云爾非咎晉而不予以討與晉擊宇文非矣然綱目不以救燕書其伐燕也殊晉師而書以伐其非不予晉可知也然則仁恭守光各再書劉何再書劉所以見其皆可誅而非相及以罪者也

發明

守光死有餘辜若仁恭既為其子所囚併書伏誅何哉仁恭本幽州偏校攻其主帥奔敗

僅免藉河東之力遂得廬龍既而乘輿播越克用召兵入援傲然拒之吞噬鄰境至謂旌節自有驕侈貪暴罪盈釁積此固王法所必誅者豈以其見囚于子而遂未減其罪乎書法如此初非過也

鎮定推晉王為尚書令始置行臺

或說趙王鎔曰大王所稱尚書令乃梁官也大王既與梁為讐不當稱其官且自太宗踐祚以來無敢當

其名者今晉王為盟主不若以尚書令讓之鎔乃與王處直各遣使推晉王為尚書令晉王三讓然後受之始開府置行臺如太宗故事

書法

推者何相尊也唐室亡矣諸國有不臣梁者于是相推以爵則亦不亡唐室之意也故綱

目悉書之始置行臺晉于是乎知節矣彼移檄興復不半載而稱帝者亦何人哉特書始予晉也

高季昌攻蜀夔州不克

高季昌以夔萬忠涪四州舊隸荆南興兵取之先攻夔州刺史王成先逆戰季昌縱火船焚蜀浮橋蜀將張武舉鐵絙拒之船不得進焚溺甚衆季昌遁還

質實

夔萬忠涪四州夔注見漢獻帝建安十九

年巴東萬注見唐代宗大歷十二年南浦忠注見唐玄宗開元十八年涪注見晉惠帝大安二年涪陵

夏四月楚人襲吳黃州克之

楚岳州刺史許德勳將水軍巡邊夜分南風暴起都
指揮使王環乘風趣黃州大掠而還德勳曰鄂州將
邀我宜備之環曰我軍入黃州鄂人不知奄過其城
彼自救不暇安敢邀我乃展旗鳴鼓而過鄂人不敢

逼質實

黃州注見晉懷帝永嘉元年黃國
鄂州注見漢後主建興七年武昌

五月梁朔方節度使韓遜卒以其子洙代之質實

朔方節度

注見漢武帝
元朔元年

○秋七月晉伐梁邢州不克

晉王既克幽州乃謀伐梁會趙王鎔及周德威攻邢
州李嗣昭引昭義兵會之梁楊師厚引兵救而却之

質實

昭義軍名注見周報
王五十三年上黨

八月蜀以毛文錫判樞密院

峽上有堰或勸蜀主乘夏秋江漲決之以灌江陵文錫諫曰李昌不服其民何罪陛下方以德懷天下忍以鄰國之民為魚鱉食乎蜀主乃止質實峽上有堰峽即三峽注見漢也江陵縣名注見漢獻帝建安十三年

冬十一月南詔寇蜀蜀遣兵擊敗之考異寇當作侵

南詔寇黎州蜀主遣兵擊敗質實南詔南夷國名注之俘斬數萬級溺死數萬人見唐太宗貞觀二

十六年黎州注見漢武帝元鼎六年沈黎

十二月蜀攻岐階州破長城關質實

階州注見漢武帝元鼎六年長城關

未詳處所
姑缺之

乙晉岐吳稱唐天祐十二年梁貞
亥明元年。是歲凡五國五鎮 春二月梁分天雄為

兩鎮夏四月魏人降晉六月晉王入魏

梁天雄節度使楊師厚矜功恃衆擅割財賦置銀槍
效節都數千人欲以復故時牙兵之盛梁主雖外加
尊禮內實忌之及卒相庸使趙巖判官邵贊言于梁
主曰魏博為唐腹心之蠹三百餘年紹威師厚據之
朝廷皆不能制陛下不乘此時為之計安知來者不
為師厚乎宜分六州為兩鎮以弱其權梁主以為然
以賀德倫為天雄節度使置昭德軍于相州割澶魏
二州隸焉以張筠為節度使分魏州將士府庫之半
于相州恐魏人不服遣劉鄩將兵六萬濟河以討鎮
定為名實張形勢以脅之魏兵皆父子相承族姻磐

結不願分徙連營聚哭鄆遣王彥章將五百騎入魏州魏兵謀曰朝廷忌吾軍府威強欲設策使之殘破爾吾六州歷代藩鎮兵未嘗遠出河門一旦骨肉流離生不如死是夕軍亂縱火大掠詰旦入牙城劫德倫置樓上有鼓節軍校張彥者自帥其黨拔白刃止剽掠四月梁主遣供奉官扈異撫諭魏軍許彥以刺史彥請復三州異還言彥易與但遣劉鄩加兵由是不許使者再返彥裂詔書抵于地戟手南向詬朝廷謂德倫曰天子愚暗聽人穿鼻遂逼德倫以書求援于晉晉王得書命李存審進據臨清五月劉鄩屯洹水晉王引大軍東下與存審會猶疑魏人之詐按兵不進德倫遣判官司空頗犒軍密言張彥凶狡之狀勸晉王先除之王進屯永濟彥選銀槍效節五百人執兵自衛詣謁王登驛樓語之曰汝陵脅主帥殘虐百姓我今舉兵而來以安百姓非貪土地汝雖有功于我不得不誅以謝魏人遂斬彥及其黨七人餘衆

殷栗王召諭之曰罪止八人餘無所問自今當竭力
為吾爪牙衆皆拜伏呼萬歲明日王緩帶輕裘而進
令彥率探甲執兵翼馬而從衆心由是大服劉鄩趣
魏縣王自引親軍與鄩夾河為營梁主聞之悔懼遣
兵屯楊劉六月晉王入城德倫上印節王固辭德倫
再拜曰今寇敵密逼人心未安德倫腹心見殺殆盡
形孤勢弱安能統衆一旦生事恐負大恩王乃受之
德倫率將吏拜賀王承制以德倫為大同節度使至
晉陽張承業留之時銀槍效節都猶驕橫晉王以李
存進為天雄都巡按使有訛言搖衆及強取人一錢
以上者皆梟首于市城中肅然王以府事委司空顯
題恃才挾勢睚眦必報納賄驕侈有從子在河南密
使人召之都虞候執之以白王族誅顯以判官王正
言代之魏州孔目吏孔謙勤敏多計數善治簿書以
為支度務使謙能曲事權要由是寵任彌固魏州新
亂之後府庫空竭民閒疲弊而供億軍須未嘗有關

謹之力也然急征重斂使六州愁苦歸怨于王亦其所為也胡氏曰晉王未入汴之前注措有失者不過數事至破夾寨斬張彥尤為奇偉其天資亦英矣使其知學聞道輔成其質豈不能混一字內為賢主邪

集覽

紹威羅周翰之父戟手兩手相擊也司空顓司

十二年雖毗注見質實昭德軍注見漢元帝建昭二

周報王五十六年

質實昭德軍注見漢元帝建昭二

清澗縣地名屬魏郡後魏太和于縣西四十里置

臨清縣屬魏州北齊罷隋初復置屬貝州大業初屬

清河郡唐初屬貝州大歷初屬瀛州後析置永濟縣宋

初以永濟縣省入臨清縣後廢為鎮尋復為臨清縣

屬大名府金屬恩州元隸濮州國朝初因之後陞為

州屬東昌府洹水地名注見漢成帝綏和二年魏郡

永濟縣名注見上文臨清股栗注見隋文帝開皇二

十年晉陽縣名注見周威烈王二十三年大同節度

注見秦王政三年雲中梟
首注見漢靈帝建寧元年

發明

魏博安于逆亂其來已久梁人分之雖曰失策然亦不為無自而遽叛降于晉綱目于此

既不書其軍亂又不書其叛梁止以降晉書之蓋以梁人為篡弑之國晉人仗興復之名故其書法如此然後知綱目誅亂臣討賊子之意雖易世猶一日也嗚呼嚴矣

晉拔德州

貝州刺史張源德北結滄德南連劉鄩以拒晉穀斷鎮定糧道或說晉王請先取源德東兼滄景則海隅之地皆為我有晉王曰不然貝州城堅兵多未易猝攻德州隸于滄州而無備若得而戍之則滄貝不得徃來二壘既孤然後可取乃遣質寶貝州注見漢帝騎五百晝夜無行襲德州克之

質寶

貝州注見漢帝
玄更始二年清

河滄景二州名滄注見晉穆帝永和六年景注見唐高祖武德九年

秋七月晉拔澶州

晉人夜襲澶州陷之刺史王彥章在劉鄩營晉人獲其妻子待之甚厚遣兵使誘彥章彥章斬其使晉人盡滅其家

晉王勞軍魏縣

晉王勞軍于魏縣因帥百餘騎循河而上覘劉鄩營會天陰晦鄩伏兵五千于河曲鼓譟而出圍王數重王躍馬大呼所向披靡裨將夏魯奇等操短兵力戰自午至申乃得出亡其七騎會李存審救兵至乃得免賜魯奇姓集覽河曲注見隋煬質寶鼓譟注見宋名曰李紹奇帝大業七年

十六年披靡注見
唐肅宗寶應元年

梁劉鄩引兵襲晉陽不至還守羊城

劉鄩以晉兵盡在魏州晉陽必虛欲襲取之乃潛引兵自黃澤西去晉人恠鄩軍數日不出遣騎覘之時見旗幟循堞往來晉王曰吾聞劉鄩用兵一步百計此必詐也更使覘之乃縛芻為人執旗乘驢在城上爾晉王曰鄩長于譖人短于決戰計彼行纔及山下亟發騎兵追之會陰雨積旬道險泥深士卒腹疾足腫墜崖谷死者什二三晉將李嗣恩倍道先入晉陽城中知之勒兵為備鄩糧盡又聞晉有備追兵在後衆懼將潰鄩諭之曰今深入敵境腹背有兵山谷高深去將何之惟力戰庶幾可免不則以死報君親爾衆泣而止周德威聞鄩西上自幽州引千騎救晉陽至土門鄩已整衆下山屯于宗城馬死殆半知臨清

有蓄積欲據之以絕晉糧道德威急追至南宮擒其
斥候者斷腕而縱之使言曰周侍中已據臨清矣詰
朝畧鄆營而過入臨清鄆引軍趨貝州軍堂邑德威
攻之不克翌日軍于莘縣塹而守之晉王營莘西三
十里一日數戰晉王愛元行欽驍健從李嗣源求之
賜姓名曰李紹榮王復欲求高行周重于發言密使
人以官祿啗之行周辭曰代州養壯士亦為大王爾
行周事代州亦猶事大王也代州脫行周兄弟于死
行周不忍

集覽

循堞循環繞也堞城上女垣土門關
名古井陘關也在常山郡獲鹿縣常

山之西又土門路注見後晉高祖天福元年臨清縣
名屬濮州今濮州隸東昌南宮注見漢帝玄更始二
年貝州冀州清河郡漢桓帝時改甘陵唐改貝州今
恩州是堂邑漢臨淮郡有堂邑括地志云今博州縣
按博州今東昌府是莘縣

質實

黃澤未詳處所土門
注見唐中宗嗣聖五年

關名按一統志在真

定府獲麻縣西一十里唐初所置一名井陘關宗城縣名注見唐中宗嗣聖十三年堂邑本漢發干清縣地名屬東郡隋始于此置堂邑縣屬毛州取縣西北堂邑故城為名大業初改屬武陽郡唐初屬毛州貞觀初屬博州五代晉改為河清郡尋復舊宋因之金元俱仍舊國朝因之改屬東昌府斥候注見漢武帝元封元年詔朝注見梁武帝大同二年翌日明旦也代州謂高行珪

八月梁復取澶州。晉遣李存審圍貝州。梁劉鄩攻鎮定營。晉師擊敗之。

劉鄩饋運不給晉人數挑戰鄩不出晉人乃攻絕其甬道梁主以詔讓鄩鄩奏晉兵甚多便習騎射誠為勍敵未易輕也苟有隙可乘臣豈敢偷安養寇梁主怒遣中使往督戰鄩集諸將問曰主上深居禁中不

知軍旅徒與少年新進輩謀之夫兵在臨機制變不可預度今敵尚強與戰必不利奈何諸將皆曰勝負須一決曠日何待郭默然不悅退謂所親曰主暗臣諛將驕卒惰吾不知死所矣後數日將萬餘人薄鎮定營營中驚擾晉李存審以騎兵三千橫質實中使擊之郭大敗奔還晉人逐之俘斬千計質實注見唐玄宗開元十五年禁中注見宋孝武大明六年

吳徐溫出鎮潤州留子知訓江都輔政

吳以徐溫為諸軍都指揮使鎮潤州軍國質實潤州庶務參決如故留子知訓居廣陵秉政質實注見晉成帝咸和三年京口江都縣名注見漢獻帝興平元年

書法

晉書太傅越出鎮許昌譏專也于是復見留子輔政此高歡遣澄入鄴之故智也溫之專

亦甚矣故馬

謙得書誅

冬十月梁康王友敬作亂伏誅

梁德妃張氏率將葬友敬使腹心數人匿于寢殿梁主覺之跣足踰垣而出召宿衛兵索殿中得而手刃之捕友敬誅之由是跡忌宗室專任趙巖及妃兄弟漢鼎漢傑從兄弟漢倫漢融咸居近職參預謀議每出兵必使之監護巖等倚勢弄權賣官鬻獄離間舊將相敬翔李振雖為執政所言多不用振每稱疾不預事政事日所質實康州名注見唐高祖武德九年

十一月蜀遣兵攻岐克階成秦鳳州岐將劉知俊奔蜀

蜀王宗翰引兵出青泥嶺王宗綰等敗秦州兵于金沙谷克階成州秦州節度使李繼崇遣子迎降劉知

俊攻霍彥威于郿州半歲不克聞秦州降蜀妻子皆
遷成都解圍還鳳翔懼及禍夜率親軍斬關奔蜀軍
宗綰攻鳳質實青泥嶺注見唐文宗太和九年金沙
州克之質實谷未詳處所階成二州名階注見漢
武帝元鼎六年成注見漢獻帝建安二十三年成都
府名注見晉武帝泰始八年益州鳳翔府名注見周
顯王八年岐鳳州注見
梁武帝大通六年南岐

岐耀鼎二州降梁

岐義勝節度使李彥韜知岐王裒弱舉耀鼎二州質
降梁彥韜即溫韜也復姓溫氏名昭圖官任如故質
實州本秦內史地漢為役翔縣地東漢置三國後魏
置北雍州西魏改為宜州隋為宜君郡治華原縣唐
初復為宜州天祐初改為耀州建義勝軍五代梁改

曰崇州後改為靜勝軍唐復為耀州名順義軍宋初為感義軍後改為感德軍金仍為耀州元以華原縣省入國朝因之改屬西安府
鼎注見漢武帝征和二年湖

廣州始與梁絕

劉巖以吳越王鏐為國王而已獨為南平王表求封南越王不許巖謂僚屬曰今中國紛紛孰為天子安能梯航萬里遠事偽質實廣州注見秦始皇三十三庭乎由是貢使遂絕質實年南海南越國名注同上
文南平郡名注見
晉惠帝永興七年

丙晉岐吳稱唐天祐十三年梁貞明二春正月梁以李
子年蜀通正元年。是歲凡五國五鎮

愚為左拾遺

梁主聞李愚學行召為左拾遺充崇政院直學士衡王友諒貴重李振等見皆拜之愚獨長揖梁主讓之曰衡王朕兄也朕猶拜之卿長揖可乎對曰陛下以家人禮見衡王拜之宜也振等陛下家臣臣于王無素不敢妄有所屈質實衡州名注見宋文

久之竟以抗直罷

質實

帝元嘉十六年

二月吳將馬謙等起兵誅徐知訓不克而死考異

按凡例

臣子之叛亂者書討討而殺之曰誅據漢居攝二年書翟義起兵討莽陳太建十二年書尉遲迴舉兵討丞相

堅而此年分註云馬謙發庫兵

討徐知訓則當書討誤作誅

吳宿衛將馬謙李球劫吳王登樓發庫兵討徐知訓知訓將出走嚴可求曰軍城有變公先棄衆自去衆將何依知訓乃止衆猶疑懼可求闔戶而寢府中稍安謙等陳于天興門外朱瑾自潤州至視之曰不足

畏也返顧外衆舉手大呼
亂兵皆潰擒譙球斬之

梁劉鄩攻晉魏州晉王擊敗之

劉鄩閉壁不出晉王乃留李存審守營自勞軍于貝
州聲言歸晉陽鄩聞之奏請罷魏州令澶州刺史楊
延直以萬人會魏州延直夜至城中選壯士五百潛
出擊之潰走詰旦鄩悉衆至城東與延直餘衆合李
存審引營中兵踵其後李嗣源當其前鄩見之驚卻晉王躡之
亦自貝州至與嗣源當其前鄩見之驚卻晉王躡之
至故元城西為方陳于西北存審為方陳于東南鄩
為圓陳于其中間四面受敵合戰良久梁兵大敗鄩
突圍走步卒七萬殺溺
貳寶元城縣名注見新莽始
殆盡鄩渡河保滑州
建國三年詰旦注見梁
武帝大同二年滑州注
見隋恭帝皇泰二年

梁遣兵襲晉陽晉將安金全擊郤之

梁臣國節度使王檀密疏請發關西兵襲晉陽奄至城下晝夜急攻城幾陷者數四代北故將安金全退居太原往見張承業曰晉陽根本之地若失之則大事去矣僕雖老病憂魚家國請以庫甲見授為公擊之承業即與之金全率其子弟及退將之家得數百人夜出擊梁兵梁兵大驚引郤李嗣昭亦遣牙將石君立將五百騎救晉陽朝發上黨夕至城下大呼曰昭義侍中大軍至矣遂入城夜與安金全等分出諸門擊梁兵梁兵死傷什二三晉王性矜伐以策非已出故不行賞賀德倫部兵多逃入梁軍張承業恐其為變收德倫斬之梁主聞劉鄩敗又聞王檀無功歎曰吾事去矣胡氏曰安金全之保晉陽其功猶在周德威救上黨之右晉王不念宗國幾亡而復存顧以策非已出不復行賞其不克有終也宜哉質實

太原府名注見齊明帝建武三年并
上黨郡名注見周赧王五十三年

晉王克衛磁州質實

衛磁二州名衛注見秦王政六年
朝歌磁注見隋文帝仁壽四年

○梁遣劉鄩屯黎陽○夏四月晉人克洺州○梁戍平

作亂攻宮門討平之

劉鄩既敗河南大恐梁主屢召鄩不至由是將卒皆
搖心梁主遣捉生都指揮使李霸帥所部千人戍楊
劉既出復入大譟縱掠攻建國門梁主登樓拒戰龍
驤指揮使杜晏球出騎擊之決力死戰俄而賊潰晏
球討亂者闔集覽捉生都都猶言軍也質實楊劉城
營皆族之捉生其一都之名號

唐憲宗元
和十二年

書法

書志梁衰也戊卒至攻宮門不振甚矣是故書羽林殺張彝而魏衰梁已亥年書戊卒攻

宮門而梁衰是年皆亂季之徵也

秋七月梁以吳越王鏐為諸道兵馬元帥

吳越王鏐遣判官皮光業間道入貢梁主嘉之故有是命朝議多言鏐之入貢利于市易不宜過以名器假之翰林學士竇夢集覽執麻謂麻紙以賜吳越徵執麻以泣坐貶王之制詰也執謂執持之而不下又麻注見唐德宗貞元十一年白麻

八月晉拔相邢二州

晉王自將攻邢州張筠棄相州走晉人復以相州隸天雄以李嗣源為刺史遣人告閻寶以相州已拔寶

舉城降晉王以李存審
為安國節度使鎮邢州
所質實
關寶鄆州人刺史官名

安國節度注見楚

義帝元年襄國

契丹寇晉陷蔚州考異
寇當作侵
質實
蔚州注見楚義
帝元年代國

○九月晉王還晉陽

王性孝雖經營河北而數還
晉陽省曹夫人歲再三焉
質實
河北道名注見漢

郡晉陽縣名注見周
威烈王二十三年

晉援滄州

晉兵逼滄州滄州降晉王徙李存審為橫海節度使
以李嗣源為安國節度使嗣源以應州胡人安重誨

為中門使委以腹
心重誨亦為盡力
質實 橫海節度注見晉穆帝永和
唐國地戰國屬趙為代郡地秦為陰館縣地屬雁門
郡漢因之東漢末廢後魏屬神武郡北齊改屬太平
郡後周郡罷置陰城縣隋罷唐置金城縣以縣置應
州以龍首雁門二山南北相應故名五代唐置彰國
軍節度遼金仍舊元復為應州國朝
因之以金城縣省入改屬大同府

晉拔貝州

晉人圍貝州踰年張源德欲降其衆不從共殺源德
嬰城固守城中食盡乃請援甲執兵而降晉將許之
其衆三千人出降既釋甲圍而殺之盡
殪于是河北皆入于晉惟黎陽為梁守
也殪音
乙計反

集覽

盡殪俱
被殺死

晉王如魏州。冬十月蜀攻岐圍鳳翔。晉王遣使如

吳吳遣兵擊梁圍潁州質實

潁州注見梁武帝天監二年

○十二月

楚王遣使如晉質實

楚州名注見晉孝武大明三年山陽

○晉以張瓘為

麟州刺史

張承業治家甚嚴有姪為盜殺販牛者承業斬之晉王以其姪瓘為麟州刺史承業謂曰汝本為賊慣為不法今若不悛死無日矣質實麟州注見唐玄宗開元九年

契丹稱帝改元考證

契丹下當作安巴堅

契丹主安巴堅自稱皇帝國人謂之天皇王以妻舒嚕氏為皇后置百官改元神冊舒嚕后勇決多權廢

安巴堅行兵禦衆后常頡其謀安巴堅嘗擊党項留后守帳室常乘虛合兵掠之后知之勒兵以待奮擊破之后有母有姑皆踞榻受其拜曰吾唯拜天不拜人也晋王方經營河北欲結契丹為援常以叔父事安巴堅以叔母事舒魯后劉守光末年哀困遣參軍韓延徽求援于契丹安巴堅怒其不拜留之使牧馬于野延徽有智畧頗知屬文舒魯后曰延徽能守節不屈此今之賢者奈何辱以牧圉宜禮而用之安巴堅召與語悅之遂以為謀主延徽始教契丹建牙開府築城郭立市里以處漢人使各有配偶墾殖荒田由是漢人安業逃亡者少契丹威服諸國延徽有功焉頃之逃奔晋陽晋王欲置之幕府掌書記王緘疾之延徽不自安求歸省母遂復入契丹安巴堅待之益厚至是以為相延徽寄書于晋王曰非不戀英主非不思故鄉所以不留正懼王緘之說爾因以老母為託且曰延徽在此契丹必不南牧故終同光之世

契丹不深入為寇延徽之力也胡氏曰契丹沙陀無以異者然晉王功義著見進于中國當是之時不仕則已仕而舍晉蓋無足適矣延徽儻憂見說者無亦踴而待察乃甘從契丹是故急于見用而不慎所歸才士之通患也

集覽

建牙注見漢獻帝初平三年牙門幕府注見泰王政三年同光

後唐莊宗年號於張礪亦云後唐明宗時礪為掌書記于廢帝從珂時入契丹後晉高祖時逃歸為追騎所獲契丹主復大用之

質實

黨項西羌別種注見陳後主至德三年

書法

劉淵嘗書稱皇帝矣于是復見然生不書主書名死不書卒書死綱目終外之不得與淵

比也其不得與淵比何也純夷也

發明

春秋之義四夷雖大皆稱曰子後世以來夷狄則有單于可汗贊普之號綱目皆從其俗

而書之今契丹乃始僭號與中國並列然綱目雖書其稱帝改元以志其始而不以契丹主書之者不使夷狄得從中國之例也然而不書曰僭號者外之而不內以示中國不臣妾之也嗚呼立法如此豈有首下足上之失棄內事外之弊哉

丁丑晉岐吳稱唐天祐十四年梁貞明三年。蜀天漢元年。漢乾亨元年。是歲嶺南稱漢凡六國四鎮春

二月晉新州裨將盧文進殺其防禦使李存矩亡奔契丹

晉王之弟威塞軍防禦使存矩在新州驕情不治侍婢預政晉王使募山北部落及劉守光亡卒入率其民出馬期會迫促邊人嗟怨存矩自部送之盧文進為裨將行者皆憚遠役存矩復不存恤至和溝關小

校宮彥璋與士卒謀殺存矩文進不能制因還新州
守將楊全章拒之文進帥其衆奔契丹晉王聞存矩
不道殺侍婢質實威塞軍注見秦王政三
及幕僚數人質實年上谷新州注同上文

書法殺存矩者小校宮彥璋也省文進何文進身
為裨將不能制下還州見拒率衆北奔謂非

首罪可乎不首文進則託不
得已者皆有以逭其責矣

發明以部將殺其主帥而不書作亂以中國亡奔
夷狄而不書叛降則亦以李存矩淫虐不道

召亂至此是亦
正其本之意也

三月契丹陷晉新州晉師攻之不克考證臨當
作入

初幽州北七百里有渝關下有渝水通海自關東北
循海有道路狹處纔數尺旁有亂山高峻不可越舊

置八防禦軍募土兵守之田租皆供軍食歲致繒纈以供衣每歲早獲清野堅壁以待契丹契丹至則閉壁不戰俟其去選驍勇據隘邀之契丹常失利走土兵皆自為田園力戰有功則賜勲加賞由是契丹不敢輕入寇及周德威鎮盧龍恃勇不修邊備遂失渝關之險契丹每芻牧于營平之間德威又忌幽州舊將有名者往往殺之吳王遣契丹主安巴堅以猛火油曰此油燃火得水愈熾可以攻城安巴堅大喜即選騎欲攻幽州舒魯后哂之曰豈有試油而攻一國乎但以三千騎伏其旁掠其四野使城中無食不過數年城自困矣何必如此躁動輕舉萬一不勝為中國笑吾部落亦解體矣乃止至是盧文進引契丹兵急攻新州刺史安金全棄城走周德威合河東鎮定之兵攻之旬日不克安巴堅帥衆三十萬救之德威大敗集覽渝關在營州東六十里屬遼西括地志云奔歸集覽幽州東北七百里有渝關在平州石城下

關下有渝水通海自關東北循海有道道狹處纔數尺旁皆亂石高峻不可越羅壁識遺曰燕之下七百里曰渝關蓋自虜北口下皆亂石層複實遼海諸州之障也解體注見漢桓帝延熙二年質實關注見隋文帝開皇十八年臨渝關渝水按一統志在永平府撫寧縣東二十二里源出古端州南流至連峯山入于海盧龍軍名注見漢武帝元朔二年肥如萬一注見唐高祖武德九年

契丹圍幽州夏四月晉王遣李嗣源將兵救之

契丹乘勝進圍幽州盧文進教之攻城周德威遣使告急晉王與梁相持河上欲分兵則兵少欲勿救恐失之謀于諸將獨李嗣源李存審闔寶勸王救之王喜曰昔太宗得一李靖猶擒頡利今吾有猛將三人復何憂哉存審寶以為敵無輜重勢不能久不若俟其還而擊之李嗣源曰德威社稷之臣今朝夕不保

恐變生于中何暇待敵之衆臣請身為前鋒以赴之
王曰公言是也即日命治兵四月命嗣源將兵先進
實以鎮定之質實李靖猶擒頡利事在唐太宗貞觀四
之兵繼之質實年輜重注見周顯王三十六年社稷
注見新莽天鳳元年鎮定二
州名注見太祖開平三年

五月吳徐溫徙治昇州

徐知誥治昇州城市府舍甚盛徐溫行部愛其繁富
潤州司馬陳彥謙勸溫徙鎮海軍治所于昇州溫從
之徙知誥為潤州團練使知誥求宣州溫不許知誥
不樂宋齊丘曰三郎驕縱敗在旦夕潤州去廣陵隔
一水爾此天授也知誥悅即之官三郎謂知誥也溫
以彥謙為判官溫但舉大綱細務悉委彥謙江淮稱
治集覽行部巡視部屬也行音下孟反

秋八月劉巖稱越帝于廣州

清海建武節度使劉巖稱皇帝國號越以趙光裔楊洞潛李穀衡同平章事用洞潛計立學校設選舉

質實

清海軍名注見秦始皇三十三年建武節度注見唐德宗元和十五年

晉師擊契丹敗之幽州圍解

契丹圍幽州且二百日城中危困李嗣源等步騎七萬會于易州李存審曰敵衆吾寡敵多騎吾多步若平原相遇敵以萬騎蹂吾陳吾無遺類矣嗣源曰敵無輜重吾行必載糧食自隨若平原相遇敵抄吾糧吾不戰自潰矣不若自山中潛行趣幽州若中道遇敵則據險拒之遂踰嶺而東嗣源與從珂將三千騎為前鋒拒幽州六十里與契丹遇力戰得進至山口契丹以萬騎遮其前將士失色嗣源以百餘騎先進

免胄揚鞭胡語謂曰汝無故犯我疆場晉王命我將
百萬衆直抵西樓滅汝種族因躍馬奮槌三入其陳
斬酋長一人後軍齊進契丹兵卻晉兵始得出存審
命步兵伐木為鹿角人持一枝止則成寨契丹騎環
寨而過寨中發萬弩射之人馬死傷塞路將至幽州
契丹列陳待之存審命步兵陳于其後戒勿動先令
羸兵曳柴燧草而進烟塵蔽天鼓譟合戰乃趣後陳
起乘之契丹大敗斬俘萬計嗣源等入幽州契丹以
盧文進為盧龍節度使居平州歲入集覽平原此非
北邊殺掠吏民盧龍巡屬為之殘敝地名按爾
雅大野曰平廣平曰原又云可食者曰原郭璞注
可種穀給食也鹿角注見唐懿宗咸通十一年
實疆場注見漢靈帝建寧二年酋豪
長注見漢帝玄更始二年酋豪

冬十月梁以吳越王鏐為天下兵馬元帥。晉王還晉

陽

王連歲出征凡軍府政事一委監軍使張承業承業勸課農桑畜積金穀收市兵馬征租行法不寬貴戚由是軍城肅清饋餉不乏王或時須錢捕博及給賜令人而承業靳之王乃置酒庫中令其子繼岌為承業舞承業以帶馬贈之王指錢積謂曰和哥乏錢宜與一積帶馬未為厚也承業曰郎君纏頭皆出承業俸祿此錢大王所以養戰士也承業不敢以為私禮三不說話侵之承業怒曰僕老敕使爾非為子孫計惜此庫錢所以佐王成霸業也不然王自取用之何暇議為不過財盡人散一無所成爾王怒顧李紹榮索獻承業起挽王衣泣曰僕受先王顧託之命誓為國家誅汴賊若以惜庫物死于王手僕下見先王無愧矣嘗太夫人聞之遽令召王王惶恐叩頭謝請承業為飲以分其過承業不肯王入宮太夫人使人謝

承業曰小兒忤特進已咎之矣明日與王俱至承業第謝之未幾承制授承業開府儀同三司左衛上將軍兼國公承業固辭不受但稱唐官終身盧質嗜酒輕傲王知之承業恐其及禍乘間言曰盧質數無禮請為大王殺之王曰吾方招納賢士以就功業七哥何言之過也承業起賀曰王能如此何憂不得天下質由是獲免胡氏曰張承業之志行雖縉紳士大夫有遠不能及者可以為內侍之師法矣為晉養民畜財軍興不乏職也受克用顧託不敢違負忠也行法不寬貴戚不以官物為私禮公也晉王欲使分過終不承承業也居唐官終其身義也使中常集覽以分侍符庶此道烏有趙高石顯張讓之禍哉其過漢比武帝賈復與寇恂有隙帝曰兩席安得私聞今日朕分之注分解釋也縉紳注見漢武帝元朔元年質實唐高宗咸亨三年汴賊謂梁王朱全忠注見

十一月晉王如魏州

晉王聞河冰合曰用兵數歲限一水不得度今冰自合天贊我也亟如魏州

十二月蜀殺其招討使劉知俊

蜀主以劉知俊為都招討使諸將皆舊功臣多不用其命且疾之故無成功唐文扆數毀之蜀主亦忌其才嘗謂所親曰吾老矣知俊非爾輩所能馭也乃誣以謀叛斬之

晉王襲梁楊劉拔之梁主如洛陽尋還大梁

晉王視河冰已堅引步騎稍度梁甲士三千戍楊劉城緣河數十里列柵相望晉王急攻皆臨之進攻楊劉城拔之先是梁祖庸使趙巖言曰陛下踐祚以來尚未南郊議者以為無異藩侯請幸西都行郊禮敬

翔諫曰自劉郭失利公私困竭人心惴恐今展禮園丘必行賞賚是慕虛名而受實弊也且勅敵近在河上乘輿豈宜輕動俟北方既平報本未晚不聽遂如洛陽閱車服飾官闕郊祀有日聞楊劉失守訛言晉軍已入大梁扼汜水矣梁主集覽圜丘注見漢後實駭遂罷郊祀奔歸大梁

實

縣乘輿注見漢安帝延光四年成臯縣名注見秦莊襄王元年成臯水

書法

晉取梁地不書梁楊劉何以書楊劉河南地唐所命也故予梁綱目之予奪審矣下書嚴

梁鄂州取之義同

戊晉岐吳稱唐天祐十五年○梁貞明四寅年○蜀光天元年○是歲凡六國四鎮春正月晉師掠梁濮鄆而還

梁敬翔上疏曰國家連年喪師疆土日蹙陛下所與
計事者皆左右近習豈能量敵國之勝負乎李亞子
繼位以來攻城野戰無不親當矢石近者攻楊劉身
負束薪為士卒先一舉拔之陛下儒雅守文宴安自
若使賀瓌輩敵之而望振逐寇讐非臣所知也宜詢
訪黎老別求異策不然憂未艾也疏奏趙張之徒言
翔怨望梁集覽黎老黎與犁通音力利力弓二反書
主遂不聽泰誓中播棄犁老注鮐背之耆稱犁
老趙張之徒謂趙叢及張妃質實濮鄆二州名濮注
兄弟漢興漢傑漢倫漢融輩見周安王五年濮
陽鄆注見唐肅宗實
應元年賀瓌濮州人

蜀信王宗傑卒

蜀太子衍好酒色樂遊戲蜀主嘗自夾城過聞太子
與諸王鬪雞擊毬喧呼之聲歎曰吾百戰以立基業

此輩其能守之乎由是惡張格而徐賢妃為之內主
竟不能去也信王宗傑有才畧屢陳時政蜀主賢之
有廢立意至是暴質實聞雞戲名事物紀原云列子
卒蜀主深疑之有紀消子為周宣王養鬪雞
之事左傳季郇之雞鬪季氏介其羽郇氏為之金距
推此則茲戲之始當出于周也擊毬戲名注見唐高
宗永徽三年擊鞠
夾城未詳所在

書法

率小國臣錄才也終綱目率僭國臣二十一

傑宗傳吳陳彥謙徐溫漢楊洞潛吳榮再用唐周
本漢趙光喬唐楊璉闕劉贊楚馬瞻唐張廷封然

宏克

夏六月蜀王建殂太子宗衍立

蜀主久疾昏瞽至是增劇以王宗弼為都指揮使召大臣告之曰太子仁弱朕不能違諸公之請而立之若其不堪可寘別宮幸勿殺之但王氏子弟諸公擇而輔之徐妃兄弟止可優其祿位慎勿使之掌兵預政以全其宗族時內飛龍使唐文扆與兵預政欲去諸大臣遣人守宮門宗弼輩不得入聞其謀排闥入言之召太子入侍疾貶文扆刺眉州以宋光嗣為內樞密使專用士人至是蜀主以諸將多許州故人恐其不為幼主用故以光嗣代之自是宦者始用事矣蜀主殂太子即位尊徐賢妃為太后徐淑妃為太妃殺唐集覽昏瞽音二遇反又莫侯反目質實排闥文扆集覽不明也莊子曰余適有瞽疾所質實排闥見漢高帝十一年眉州注見唐太宗貞觀二十二年

吳副都統朱瑾殺都軍使徐知訓而自殺

吳都軍使徐知訓驕倨淫暴威武節度使李德誠有
家妓數十知訓求之不得怒曰會當殺德誠并其妻
取之狎侮吳王無復君臣之禮嘗與王泛舟王先起知訓以彈彈
軍使王為倉鶻又嘗與王泛舟王先起知訓以彈彈
之又嘗侍宴使酒悖慢王懼而泣左右扶王登舟知
訓逐之不及搥殺王親吏與弟知詢皆不禮于知誥
獨季弟知諫以兄禮事之知訓嘗召兄弟飲知誥不
至知訓怒曰乞子不欲酒欲劍乎又嘗與知誥飲伏
甲欲殺之知諫躡知誥足知誥遁去副都統朱瑾遣
家妓候知訓知訓強欲私之瑾已不平知訓惡瑾位
已上出瑾為靜海節度使瑾益恨之然外事知訓愈
謹置酒延之中堂伏壯士于戶內出妻拜之知訓答
拜瑾以笏擊之踣地呼壯士出斬之提其首馳入府
示吳王曰僕已為大王除害王懼走入內曰舅自為
之我不敢知子城使翟虔等闔府門勒兵討之瑾遂
自剄徐知誥在潤州聞難用宋齊丘策即日濟江撫

定軍府溫乃以知誥代執吳政宣諭使李嚴集覽以彈
貧困寓居海陵溫疑其與瑾通謀皆殺之

上彈去聲說文行丸也下彈平聲凡射也從弓打丸
也公羊傳宣六年晉靈公為無道使諸大夫皆內朝

然後處乎臺上引彈而彈之已趨而避丸質實威武
是樂而已矣用宋齊丘策事在去年五月

注見漢武帝建元三年閩中靜海節度一統志云本
漢海陵縣之東境屬臨淮郡東漢屬廣陵郡晉宋齊

皆屬海陵郡隋屬江都唐屬揚州五代時南唐置靜
海都鎮制置院後周改為靜海軍尋改為通州宋改

為崇州復為通州屬淮南東路元改為通州路後復
為州屬揚州路國朝仍為州以靜海縣省入直隸揚

州府潤州注見晉成帝咸和三年京
口海陵縣名注見周世宗顯德五年

書法

馬謙書誅矣此其書殺何不予瑾以討也
知訓信有罪瑾以私怨殺之則非義討矣

梁人決河以限晉兵晉王攻之拔其四寨

梁將謝彥章攻楊劉決河水以限晉兵溺浸數里晉王謂諸將曰梁軍非有戰意但欲阻水以老我師當涉水攻之遂引親軍先涉諸軍隨之寨甲橫槍結陳而進彥章拒之稍却鼓譟復進梁兵大敗河水為赤晉人遂臨濱河四寨

書法

攻取未有書其方畧者此則曷為以決河書重開河隙也此隙一開連年重為曹濮患唐

雖塞之未幾復壞至晉天福以後二十二年九書河決則梁人之罪也綱目重開河隙故引河溝以灌魏則書決河以限晉兵則書

蜀貶張格為維州司戶質實

維州注見唐代宗大歷十四年○秋七月

蜀以王宗弼為鉅鹿王

蜀主不親政事內外遷除皆出于王宗弼宗弼納賄多私上下咨怨宋光嗣通敏善希合蜀主寵任之蜀由是質實鉅鹿縣名注見楚遂衰義帝元年襄國

吳以徐知誥為淮南行軍副使輔政

吳徐溫入朝于廣陵疑諸將皆預朱瑾之謀欲大行誅戮徐知誥嚴可求具陳知訓過惡溫怒稍解責知訓將佐不能匡救皆抵罪獨刁彥能屢有諫書溫賞之以知誥為行軍副使知諫權潤州團練使溫還金陵庶政皆決于知誥知誥事吳王盡恭接士大夫以謙御衆以寬約身以儉以吳王之命蠲天祐十三年以前逋稅求賢才納規諫除奸猾杜請託于是士民歸心宿將悅服以宋齊丘為謀主先是吳有丁口錢

又計畝輸錢錢重物輕民甚苦之齊丘以為錢非耕桑所得今使民輸錢是教民棄本逐末也請蠲丁口錢餘稅悉輸穀帛紬絹匹直千錢者當稅三十或曰如此縣官歲失錢億萬計齊丘曰安有民富而國家貧者邪知誥從之由是江淮間曠土益闢桑柘滿野國以富強知誥欲進用齊丘而徐溫惡之知誥夜引齊丘于水亭屏語常至夜分或居高堂悉去屏障獨置大鑪以鐵筋畫灰為字隨以匙滅去之故其所謀人莫得集覽縣官注見漢文帝十一年屏語屏退左而知也右而語也記曲禮上侍坐于君子若有告者曰少間願有復也則左質實金陵郡名注見漢右屏而待注屏猶退也隱也獻帝興平二年

八月晉王大舉伐梁

晉王謀大舉伐梁周德威將幽州步騎三萬李存審李嗣源及王處直遣將各將步騎萬人及諸部落奚

契丹室韋吐谷渾皆以兵會之并河東魏博之兵大
閱于魏州軍于麻家渡梁賀瓌謝彥章屯濮州北相
持不戰晉王好自引輕騎迫敵營挑戰危窘者數四
賴李紹榮力戰得免趙王鎔及王處直皆遣使致書
曰元元之命繫于王本朝中興繫于王奈何自輕如
此王笑謂使者曰定天下者非百戰何由得之安可
但深居帷房以旬肥乎一旦將出李存審叩馬泣諫
曰大王當為天下自重先登臨陳存審之職也王為
之攬轡而還他日伺存審不在策馬急出以數百騎
抵梁營謝彥章伏精甲五千圍王數十重王力戰僅
得出始以存審之言為忠胡氏曰存勗不自晏安是
也而謂非百戰無由定天下則非也天下惡乎定
于有德漢高光唐太宗固以兵取未有不假仁勉義
使百姓見德者故得之易而居之久戰勝攻取隨即
失之秦是也晉王不知監 **集覽** 吐谷渾注見晉元帝
馬成難壞易不亦宜哉 **集覽** 建武元年元注見

漢元帝初

實寶

挑戰注見漢王邦四年麻家渡未詳處所

書法

書伐何義晉也

發明

晉朱氏纂唐至是星周一紀天道亦一變矣

誅亂臣討賊子汲汲然惟恐或後蓋以大舉伐梁書之環四海之內未有能正之者晉王父子雖不純乎義要之名曰為唐其復讐之意固可暴白于天下故綱目大書于冊亦足見討賊有人大義未遂終混者也然前史之脩既以朱氏繼唐故于晉王伐梁之事往往以入寇書之夫誅亂臣討賊子大義所在反謂之入寇可乎此君子所為懼綱目所由作也噫必有君子者出而後綱目之義大明于天下矣

蜀以諸王領軍使

蜀諸王皆領軍使彭王宗鼎謂其昆弟曰親王典兵禍亂之本今主少臣彊讒間將興繕甲訓士非吾輩所宜為也因固辭但營實實彭州名注見唐書舍植松竹自娛而已

梁泰寧節度使張萬進降晉

梁驍侍用事多求賄于萬進質實泰寧節度注見漢萬進遣使附于晉且求援

蜀以宦者歐陽晃等為將軍

蜀主以內給事歐陽晃等為將軍皆干預政事驕縱貪暴周庠切諫不聽晃患所居之隘夜因風縱火焚西鄰軍營數百間明旦召匠廣其居蜀主亦不之問

書法

唐世宦官不書不勝書也至此而復書其書之何此蜀所以亡也是故歐陽晃等為將軍

王承休為龍武指揮使綱目皆以宦官表之然自是諸國皆書矣

發明

唐以宦者亡國殷監未遠而蜀人又踵其覆轍蜀固不足道也揭而書之亦以示戒云爾

冬十一月越改國號漢。吳取虔州

吳遣劉信將兵攻虔州譚全播拒守其城險固久之不下信使人說譚全播取質納賂而還徐溫大怒信子英彥典親兵溫授兵三千曰汝父據上游之地將十倍之衆不能下一城是反也汝可以此兵往與父同反又使指揮使朱景瑜與之俱曰全播守卒皆農夫饑窘踰年妻子在外重圍既解相賀而去聞大兵再往必皆逃遁全播所守者空城爾往必克之信大懼引兵還擊虔州先鋒始至虔兵皆潰譚全播奔雩

郡追集覽虔州漢之贛縣也晉立南康郡東晉置郡城于章貢二水之間今城是也隋廢郡為

虔州以虔化水為名唐因之後宋高宗改為贛州取質質如字注見周顯王四十一年質焉上游注見漢

三邦元年雩都縣名屬實實虔州注見梁簡文帝大虔州虔即今之贛也寶元年雩都按一統志

漢之舊縣名屬豫章郡因雩水為名三國吳為南部都尉治所晉屬南康郡陳徙縣治大昌村隋徙治東

漢屬虔州唐徙治南康古郡即今治所宋元仍舊國朝因之改屬贛州府

十二月晉王與梁軍戰于胡柳陂周德威敗死晉王收

兵後戰大破梁軍

晉王欲趣大梁而梁軍扼其前堅壁不戰百餘日王遣兵拒梁軍十里而舍梁招討使賀瓌善將步兵排

陳使謝彥章善將騎兵瓌惡其與已齊名一日治兵于野瓌指一高地曰此可以立柵至是晉軍適置柵於其上瓌疑彥章與晉通謀瓌屢欲戰彥章曰強寇憑陵利在速戰今深溝高壘據其要津彼安能深入若輕與之戰萬一蹉跌則大事去矣瓌益疑之密謂之于梁主因享士伏甲殺之及別將孟審澄侯溫裕以謀叛聞審澄溫裕亦騎將之良者也晉王聞之喜曰彼將帥自相魚肉亡無日矣瓌殘虐失士卒心我若引軍直指其國都彼安得堅壁不動章而一與之戰蔑不勝矣王欲自將萬騎直趣大梁周德威曰梁軍尚全輕行微利未見其福不從毀營而進衆號十萬瓌亦棄營而踵之至胡柳陂候者言梁兵至矣周德威曰賊倍道而來未有所舍我營柵已立守備有餘既深入敵境動須萬全不可輕發此去大梁至近梁兵各念其家內懷憤激不以方畧制之恐難得志王宜按兵勿戰德威請以騎兵擾之使不得息至暮

營壘未立樵爨未具乘其疲乏可一舉滅也王曰公何怯也即以親軍先出德威不得已從之謂其子曰吾無死所矣賀瓌結陳而至橫亘數十里王帥銀槍都臨其陳衝盪擊斬往返十餘里梁馬軍都指揮使王彥章軍敗走濮陽晉輜重望見梁旗幟驚潰入幽州陳幽州兵亦擾亂德威不能制父子皆戰死梁兵四集勢甚盛晉王據高丘收散兵至日中軍復振虜中有王山賀瓌引兵據之晉王謂將士曰今日得此山者勝吾與汝曹奪之即引騎兵先登李從珂王建及以步卒繼之遂奪其山日向脯賀瓌陳于山西晉兵望之有懼色諸將以為諸軍未盡集不若歛兵還營詰朝復戰閻寶曰梁騎兵已入濮陽山下惟步卒向晚有歸志我乘高趣下破之必矣今深入敵境偏師不利若復引退必為所乘諸軍未集者聞梁再克必不戰自潰凡決勝敵惟觀情勢情勢已得斷在必不疑王之成敗在此一戰若不決力取勝縱收餘衆

北歸河朔非王有也李嗣昭曰賊無營壘日晚思歸
但以精騎擾之使不得夕食俟其引退追擊可破也
我若歛兵還營彼歸整衆復來勝負未可知也王建
及擐甲橫槊而進曰王但登山觀臣為王破賊王愕
然曰非公等言吾幾誤計嗣昭建及以騎兵大呼臨
陳諸軍繼之梁兵大敗死亡者幾二萬人晉王還營
聞德威父子死哭之慟曰是吾罪也李嗣源不知王
所之或曰北渡河矣嗣源遂乘冰北渡晉王進攻濮
陽拔之嗣源復來見王不悅曰公以吾為死邪嗣源
頓首謝王以從珂有功但賜大鐘酒以罰之然自是
待嗣源稍薄梁敗卒走至大梁曰晉人至矣京城大
恐梁主驅市人登城又欲奔洛陽遇夜而止敗卒至
者不滿千人傷夷逃散各歸鄉里月餘僅能成軍胡
氏曰仲由問孔子行三軍則誰與子曰暴虎馮河死
而無悔者吾不與也必也臨事而懼好謀而成者也
孔子所取德威有之其所不取存勗犯馬聖人之訓

不可違如此昔光武伐尤來兵敗軍中意王沒矣吳
漢曰王兄子在何憂光武不以為嫌誠以喪敗之際
兩不相知有如不測寧能禁人之他議晉王于是
能容一嗣源淺量編局固非可以席卷天下包舉宇
內者集覽輕行微利輕去聲不持重也徵堅堯反求
也集覽也要也尤來王莽末諸盜之號也時寇盜
蜂起如銅馬大槍質實蹉跌注見漢順帝陽嘉二年
等號不可勝數高丘或疑地名未詳處所
陽郡名注見周安王五年河朔二
州名注見唐玄宗天寶十五載

已晉岐稱唐天祐十六年梁貞明五年。蜀乾德元
年吳宣王楊隆演武義元年。是歲凡六國四鎮春
三月晉築德勝兩城

晉李存審于德勝南北夾河築兩城而守質實德勝
之晉王以存審為內外蕃漢馬步總管質實德勝
南北

奕河築兩城注
見龍德元年

書法

書德勝何
關要也

三月晉王自領盧龍節度使

王自領盧龍節度使以李紹宏提舉軍
府事紹宏宦者也本姓馬晉王賜姓名

晉以郭崇韜為中門副使

益知祥薦教練使雁門郭崇韜能治劇王以為中門
副使崇韜調儻有智畧臨事敢決王寵待日隆知祥
稱疾辭位崇集覽調儻注見隋文質實雁門郡名注
韜專典機密帝仁壽四年見秦王政三

年郭崇
韜代人

夏四月吳王隆演建國改元

吳徐溫自以權重而位卑說吳王隆演曰今大王與諸將皆為節度使不相臨制請建吳國稱帝而治王不許嚴可求屢勸溫以知詢代徐知誥知誥與駱知祥謀出可求為楚州刺史可求至金陵見溫說之曰吾奉唐正朔常以興復為辭今朱李方爭一旦李氏有天下吾能北面為之臣乎不若先建吳國以繫民望溫大悅復留可求參總庶政至是溫帥將吏藩鎮請吳王稱帝不許夏四月朔即吳國王位大赦改元建宗廟社稷置百官宮殿文物皆用天子禮以溫為大丞相都督中外諸軍事東海郡王知誥為左僕射參政事兼知內外諸軍事王令謀為內樞使質實楚州嚴可求為門下侍郎駱知祥為中書侍郎質實注見宋孝武大明三年山陽金陵郡名注見漢獻帝興平二年正月朔注同上建安十五年朱李謂梁唐二國藩

鎮注見唐肅宗上元二年
東海注見秦二世二年郊

吳越擊吳戰于狼山破之

吳越王鏐遣其子副大使傳瓘擊吳吳遣將彭彥章
陳汾拒之戰于狼山吳船乘風而進傳瓘引舟避之
既過自後隨之吳回船與戰傳瓘使順風揚灰吳人
不能開目及船舷相接傳瓘使散沙于已船而散豆
于吳船豆為戰血所漬吳人踐之皆僵仆因縱火焚
吳船吳兵大敗彥章戰甚力陳汾按兵不救彥章自
殺吳人誅汾籍沒家貲以其集覽稟其妻子稟筆錦
半賜彥章家稟其妻子終身集覽稟其妻子稟筆錦
傳須諸國稟食稟給注稟讀曰稟歐陽氏曰古
者給人以食取之于倉廩故因稱稟食稟給質實
狼山一統志云在揚州府通州南一十八里五山
相連屬常有白狼居上或云山形如狼因以名

梁攻晉德勝南城不克

賀瓌攻德勝南城百道俱進以竹竿懸鰲鼉十餘艘
蒙以牛皮設驛戰格橫于河流以斷晉救兵晉王
玄引兵救之不能進遣善游者入城守將言矢石將
盡臨在頃刻晉王積金帛于軍門募能破鰲鼉者衆
莫知爲計序建及請選效節敢死士得三百人披鎧
操各踰之乘舟而進浮至流矢雨集建及使操斧者
入懸鼉間斧其竹竿又以木翼載薪沃油燃火于上
流縱之隨以巨鼉鼓噪攻之鰲鼉隨流梁兵焚溺者
殆半序兵乃得集覽以竹竿懸鰲鼉以竹爲索曰竿
渡梁解圍走集覽與筏通音疾各反聯連屬也
序注元漢獻帝建安十三年蒙衝設驛戰格以
反作如蝦蟇及戰格誤置于船上以禦敵也驛四諸
反此空計反驛戰格上垣杜甫詩驛驛發哀柝注女
驛開管眼以開望城外因名驛驛也驛驛字或從土

律各領反戰格而彭排也釋名彭排軍器也按彭訓旁也亦音旁言在旁側排敵禦攻

秋七月吳越攻吳常州吳人與戰破之

吳越王鏐遣錢傳瓘將兵三萬攻吳常州徐溫帥諸將拒之鏐于無錫會溫病熱不能治軍吳越攻中軍鏐乃遣少軍旗鼓于左取貌類溫者擐甲胄號令軍士吳越兵敗殺其將何逢斬首萬級傳瓘遁去溫募生獲殺將陳紹者資錢百萬獲之紹勇而多謀溫復使之與兵初吳將曹筠亦奔吳越溫厚遇其妻子遣使告之曰使汝不得志而去吾之過也及是役筠復奔吳溫告錢當日不用筠言者三而不問其罪歸其田宅復其軍器筠內愧而卒知詰請帥步卒二千為吳起兵鏐雖伏罪敗卒而東蘇取蘇州溫曰爾賊吾善然吾主求急兵未暇如汝言諸將亦以為吳越所恃者舟楫今大旱水涸此天亡之時宜盡步騎

之勢一舉滅之溫歎曰天下離亂久矣民困已極錢公亦未易可輕若連兵不解方為諸君之憂今戰勝以懼之戢兵以懷之使兩地之民各安其業君臣高枕豈不樂哉多殺何為遂引還吳越王鏐見何逢馬悲不自勝故將士心附之寵姬鄭氏父犯法當死左右為之請鏐曰豈可以一婦人亂吾法出其女而斬之鏐自少在軍中夜未嘗寐倦極則就圓木小枕或枕大鈴寐熟輒欹而寤名曰警枕置粉盤于卧內有所記則書盤中比老不倦或寢方酣外有白事者令侍女振紙即寤時彈銅丸于樓牆之外以警直更者嘗微行夜叩北城門吏不肯啓關曰雖大王集覽無來亦不可啓乃自他門入明日召吏厚賜之

縣名今陞為州屬
實實 無錫一統志云漢之縣名屬常州路在浙西
會稽郡 縣有山舊產錫至漢末錫彈故縣以無錫名新莽改曰有錫東漢復舊三國吳廢晉復置屬毘陵郡宋齊梁陳皆屬晉陵郡隋

初省入晉陵縣後復置唐屬常州宋因之元陞為州國朝初復為縣屬常州府

晉王以馮道掌書記

中門使郭崇韜以諸將陪食者衆請省其數王怒曰孤為效死者設食亦不得專可令軍中別擇河北帥孫自歸太原即召馮道草詞示衆道曰大王方平河南定天下崇韜所言未至大過不從可矣何必以此驚動遠近使敵國聞之謂大王君臣不和非所以隆威望也乃止

八月梁以王瓚為招討使拒晉兵

賀瓌卒梁主以王瓚為招討使瓚為治嚴令行禁止據晉人上游楊村夾河築壘造浮橋饋運相繼晉副總管李存進亦造浮橋于德勝或曰浮梁須竹竿鐵牛石囤我皆無之何以能成存進以葦竿維巨艦繫

于土山巨木踰月質實楊村未
而成人服其智詳處所

吳與吳越連和

吳徐溫遣使以吳王書歸無錫之俘于吳越吳越王
鏐亦遣使請和于吳自是吳國休兵息民三十餘州
民樂業者
二十餘年

冬十月晉廣德勝北城

晉王發徒數萬廣德勝北城日與梁人爭大小百餘
戰互有勝負左射軍使石敬瑭戰于河壩梁人斷其
馬甲橫衝兵馬使劉知遠以所乘馬授之自乘斷甲
馬徐行為殿梁人疑有伏不敢迫俱得免敬瑭以是
親愛之二人之先皆沙陀集覽河壩史記河渠書注
人敬瑭李嗣源之壻也

河邊地按韻書塢本作塢或作喚訓卻也卻隙地也顏師古曰喚游也游餘也橫衛軍都之號也徐行為殿徐緩也說文安行也殿丁練反軍居前曰啓居後曰殿又謂之斷後此乃兵家之最難者也我兵既敗敵人來追我在後拒之非

賈實

為殿注見漢宣帝地節四年

勇敢者不能也

書法

書德勝何關要也

梁克充州殺張萬進

劉鄩圍張萬進于兗州經年城中危窘晉王方與梁人戰河上力不能救萬進遣親將劉處讓乞師未許處讓于軍門截耳曰苟不得請生不如死晉王義之將為出兵會鄩已屠兗州族張萬進乃止以處讓為驍衛

將軍賈實

兗州注見漢獻帝興平二年


十二月梁王瓚與晉王戰敗績梁以戴思遠代之

晉王與王瓚戰于河南瓚先勝獲晉將石君立等既而大敗失亡萬計梁主聞石君立勇繫于獄而使入誘之君立曰我晉之敗將而為用于梁雖竭誠效死誰則信之人各有君何忍反為仇讐用哉梁主猶惜之晉王乘勝拔濮陽梁主召瓚還以戴思遠代為招討使屯河上以拒晉人

吳團結民兵

吳禁民私蓄兵器盜賊益繁御史臺主簿盧樞言今四方分爭宜教民戰且善人畏法禁而姦民弄干戈是欲偃武而反招盜也宜團結質實干戈釋名云干民兵使之習戰自衛鄉里從之質實干戈也戰也王子年拾遺記曰庖犧造干戈以飾武此干戈之始也則兵為起于太昊矣呂氏春秋云蚩尤造五兵蓋其

也一



御批資治通鑑綱目卷五十四